






Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3837/A









Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3837/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3837/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
3837/A




C. II

3837/A

16/e











Rosenberg

254-261

Kornel Singsch. nicht  
u. W. H. Seb.

Behavins.



— oh  
H. Calat

H. Calat

2466.

10.



Bancket der Hofe vnd  
Edellent.

**D**es gesunden lebens  
Regiment. Von eygenschaft/  
nuz vnd schedlicheyte alles so zu  
Menschlicher speiße / tranck / vnd ge-  
brauch / inn Küchen / Keller vnd Apo-  
tecken / Auch zu leibs mancherley ge-  
brechen / von nöten.

Durch den Hochgelerten Herrn Lu-  
dovicum de Auila / Keyserlicher Ma-  
iestat Leibarzt / beschrieben.



In Franck. Bei Chri. Egenolffs Erben.



Zum Gütigen Leser.

**I**ß Büchlin  
Günstiger Leser /  
ist inn ein Reichstag  
zu Augspurg / hie be-  
vor von der Keyserli-  
che Maiestat Leibarzt / D. Ludwig  
de Anila / dem Adel vnd Keyserliche  
Hoffgesind fürnemlich zu dienst / inn  
Spanischer vñ Lateinischer sprach  
beschriben / das Van quete / oder Gast-  
mal der Edlen diener genennt / Vol-  
gent ins Teutsch / mit einer weitlau-  
figen Declaration / von einem Medi-  
co transferiert worden . Dieweil es  
aber von allen verstendigen hoch ge-  
lobt / nutz vñnd werdt gehalten / Ist  
für güt angesehen / widerum den text  
desselben so vil zur Arznei / Regimēt  
vnd ordnūg der gesundheyt zuerhal-  
ten / dienlich / außgehn zulassen / vñ je-  
derman zum besten hiemit zudienen /  
Wöllest dichs / Leser / Gott zu ehren /  
dir vñ dem nechste zu gütē gebrau-  
chen / vnd im besten vernemen.

Vorred



**Vorred über diß Büch-  
lin/ genant das Bancket odder  
Gastmal der hoff vnd Edelleut.**

**D. Ludouici de Auila.**

**E**s ist gemeyn/ daß in Gastma-  
len vil vnd mancherley fruchte  
auffgesetzt werden/ etliche vō  
milch/ fleysch / vögeln vnnnd andern  
wilpret/ Vnd dise ding alle in manch  
erley weg bereit. Des gleichen selzam  
kuchelspeiß vnd visch/ Vnd wirt jertz  
kein Gastmal güt gnant/ dann es sei  
da zugleich visch vnnnd fleysch/ vnd  
vonn allerley geschlecht / speiß vnnnd  
trancß überflüssig.

Wiewol nun ein jeglicher der sich  
diser gastmal vnd Bancketen offte ge-  
braucht/ schweren schaden empfahet  
im sein leben abbricht / vnd das er le-  
ben sol/ wirt nichts dann arbeytselig-  
keyt vnd schmerzen. Vnnnd ob schon  
etlich sich diser sachen offte gebrauch-  
en/ vnd doch keinen schaden als bald  
entpfangen/ wirts sie doch in künff-  
tigs nicht erlassen. Damit aber diser



## Vancket der Hofe

schaden verhüt werde/ wil ich kürz-  
lich nach meinem verstand beschrei-  
ben in disem tractat maß vnnnd ord-  
nung/ die ein jeglicher täglich halten  
sol/ vñ morgen an biß zu nacht/ Was  
für ein übung sol geschehen in essen/  
trincken/ vnd in allem leben/ vnnnd in  
sonderheyt wil ich erklären/ einer jeg-  
lichen speise vnd trancks natur vnd  
Complexion / was schaden darauß  
folge/ so sie vnordenlich/ vñ was nutz  
so sie messig gebraucht werde. Vnnnd  
zum letzten ein kurz / nutzbar/ vnnnd  
heylsam regimen zu gfarliche tranck-  
heyt vnd zeiten/ verordnen.

**Ordnung sich zuhalten**  
nach dem einer am morgen erwacht  
vnnnd auffstehet.

Cap. I.

**S**o einer zu morgens wil auff-  
stehn/ sol er seine glider / arm  
vnnnd beyn/ senfflich auß ein-  
ander strecken/ damit die lebhaftige  
geist werdē gezogen zu den außwendi-  
gē glidern/ vñ die geist des hirns sub-  
til





til vnd klar gemacht/ Als Auic. lert.  
 Nach dem er sich aber angelegt / sol  
 er waschen sein angesicht vnd augen  
 mit kaltem wasser/ Dann ein jeglich  
 ding sol behalten werden mit seines  
 gleichen/ Wann die augen seind kalt  
 vonn natur/ wie Gal. spricht. Vnd  
 Aui. sagt/ daß die augen am meysten  
 behalten vnd getrücket werden / so  
 sie werden gewaschen/ oder offen inn

A iij



## Vancet der Hofe

Kalt wasser gethon / wann also sol jr  
gesundtheyt behalten werden / vnn  
fast gesterckt / zuuor bei den jungen.  
Derhalben irren die / welche ire augē  
mit warmen wasser waschen.

**Hend** Dergleichen sollen auch die hend  
**weschen** mit kaltem wasser gewaschen wer-  
den / wann so sie mit lawen was-  
ser gewaschen werden / wachsen im  
bauch würm / zuuor nach dem morgē  
essen.

**Sträle** Es sol auch dz haupt gsträle wer-  
den / wann auß brauch des strälens  
thünd sich auff die rāpfflöcher / wel-  
che dauor werden verhindert / mit vn-  
reynigkeyt / vñ ziehen sich die dāmpff  
vō dem hirn übersich / die sonst nach  
dem schlaff da werden behalten / vnd  
die geist werden subtil. Derhalben in  
**Gesicht** stātem brauch / das haupt zu strälen  
vor dem morgen odder nach essen ist  
fast nutz dem gesicht.

**Mund.** Dergleichen sol der mund ge-  
seubert vnd gewaschen werden von  
der schleimigkeyt der zeen / sonst vol-  
get stincken der zeen / zerstörung inn  
den



den feuchtigkeyten / vnd betrübung  
im hirn. Desgleichen ein jeglicher sol  
wäschen seinn mund nach dem essen/  
wann es hilfft fast dem gesicht / ver-  
nunfft / vnd dāwung / vnd schafft vil  
ander nutzbarkeit.

Derhalben die zeen seubern / das  
haupt strālen / mit odder on har / daß  
angesicht waschen / die augen vnn-  
hend / vnd die negel abschneiden / soll  
stets geschehen / wan sonst volget da-  
rauß grosser schaden / vnd die sauber-  
keyt gehört sonderlich zu den Edlen  
hoffleutē / vor andern nideren personē.

## Von der übūg / vor dem Morgen vnd nachessen. Cap. II.

**I**n mässige übūg die gschichte  
vor dem morgen oder nacht es-  
sen / ist fast nütz / vñ sol gesche-  
hen biß einer anfacht müd zuwerdē /  
vnn an einem temperierten ort / als  
Galenus sagt / Wo es also gschicht /

¶ iij



## Bancket der Hofe



machtet sie lebhafter die natürliche  
hitze/durch welche die dāwūg des ma-  
gens vñnd anderer glider volbracht  
wird/vñ werdē verzert vñ außgetri-  
ben die überflüssigkeit des leibs. Der  
halbē spricht Galenus/dz die übung  
sol vor dem essen geschehen / Wan er  
sagt dz die bewegung erquicket die na-  
türlichen hitze / vñnd mache sie starck/  
volbring ein vollkommene wirkung.

Die



Die übung aber seind mancherley/welche ein jeglicher thun soll nach seiner natürlichen neygung/mit mässigkeit/das ist/als oben gesagt ist wordē/bis einer sich wil müd enepfinden/ Wann also ist sie auch nützlich den die lamm sind/vnd das podagra haben.

Es sol kein schwere übung geschehen nach essens. Sulgentius spricht von der nutzbarkeit der übung / daß die bewegung sei ein bhaltüg menschlichen lebens/vnd ein erquickung natürlicher hitz / Ein todt der Franckheyten/ Ein gerin in der jugent/ vnnnd vermeidung des alters.

Dargegen sagt auch Galenus / dz die bewegung vnd übung die vnzeitig vnd vnMESSIG geschehen/bringen vilerley schaden/ Wann ich hab gesehen einn Asthmaticum oder schwer äthemigen/der schön gesund/von wegen einer behenden vnd grossen bewegunge/gehlingen sterben. Derhalben kein starcke übung in schwerē Franckheyten geschehen sol / zuuor inn der schweräthemigkeit/ Ist doch nutz so



Bancket der Hofe  
es zeitlich vnnnd messig beschicht.

Von der geschicklichkeit/  
stund/wie vil vnnnd offte im tag/auch  
welche speiß vor oder nach der  
andern zu essen. Cap. III.



3 V sommers zeiten die besser stund  
3 zu essen/ ist die neunnd / Als Auic.  
sagt/



sagt/ Welcher wil / daß die stund am geschicksten sei zu essen / in welcher sei die werme / inn mittelmessigkeyt/ Vnd ob durch etlich verhinndernus / zu diser neunnden stund die speiß nit möcht genomen werden/ sollen doch die wonungen da man ißt / jeder zeit kühl sein.

Das wölle auch Galen. Aristote. vnd Rasis / Vnd sprechen/ daß niemandts soll essen / biß daß einer empfinde die vor gessen speiß verdawet sein. Das man erkēt auß begird zu essen / wann sie nicht falsch ist/ vnd durch die subtiligkeyt der speychel. Wann welcher einnimpt etwas vnuerdāwets/ auff das vnuerdāwet/ dē volgt darauff grosser schaden. In solchē sol ein jeder sein selbs arzet sein.

Solcher maß soll mann die speiß verziehen. Im herbst vnd Winter biß auff die eilffte stund/ Im Glenz auff die zehende stund / doch allweg mit auffmerckung der obgemelten regel. Ist auch zumercken/ welcher gespeiset wirt mit starcker grober vnd schleimiger



## Vancket der Hofe

schleimiger speiß/der kan sich lenger  
enthalten/ dan die sich anderer speiß  
gebrauchen.

Wenig  
essen.

Es sol auch ein mal nit vast vil  
geffen werden/ der massen das keiner  
gar ersetiget / sonder mittelmessig be  
nügt/ vnd sol ehe ein begird vnd Ap  
petit bleiben/ dan ein erfällung. Aui  
cenna sagt / dz es gnüg sei ein mal im  
tag essen/ Vnd ob einer schwach we  
re / soler drei mal in zweyen tagen es  
sen. Deßgleichen die wolleibigen sol  
len mehr essen / dann die sind mittel  
messigen stands.

Es zeygen auch an Rasio vnd A  
fasten. ristot. daß zwey mal fasten inn einer  
wochen/were fast gesundt / wiewol  
zu vnseren zelten wirt es nit gehal  
ten für ein gute Regiment/als wann  
man offt isset.

Wann es ist schädlich hunger vñ  
darst zuleiden / Darumb daß sich die  
krafft verzert/ vñ die natürlich Com  
plexion erzürnt.

Etlichen ist nütz viermal im tag  
zu essen/als de Colericis/mit gebrau  
chung



chung der speiß nach dem es die zeit  
erheyschet. Etliche haben im brauch  
nicht zu nacht zuessen / etliche nit zu  
morgen / vnd vil zu nacht / Etlich es-  
sen etlich schädliche speiß / vnd ander  
haben andere gewonheyt. Aber nie-  
mandt sol sich begeben inn ein solche  
gewonheyt. Wann so sie etwan vn-  
derlassen wirt / vonn stund an volgt  
hernach grosser schaden. Aber wel-  
cher sich vndersteht einer gewonheit  
der wirt genöt die selbig zuhalten.  
Gewonheyt ist ein ander natur. Als  
so einer wer gewont zuessen pffiffer-  
ling / welch vō irer eygenschafft gebe-  
ren ein vergiffte feuchte / vnd hett be-  
gir zuessen vō inē / der sol so er minst  
mag dauß essen / doch vor bereyt mit  
pfeffer vnnnd lauterem wein / daß sie  
nimmer so vil schaden bringen. Inn  
welcher maß sollen alle speiß genos-  
sen werden / mit etwas das inen wi-  
der ist in irer qualitet. Vnnnd also sol  
ein jeglicher sittlich vnd nit zuschnell  
sichs entwonen / die besten brauchen  
die einer gewont hat / vnd allwegen  
in



Bancket der Hofe  
in sorgen stehen/ daß im kein vnrat  
darauf entstehe ic.

Ordnung der speiß/ wel  
che ob tisch im anfang / mittel odder  
end sollen genommen werden.  
Cap. IIII.



Die



**D**ie speiß sollen nit vermische  
werden mit argnei/ sagt Au-  
cenna. Subtile speiß vnd rin-  
ger dāwung sollen vorgenomen wer-  
den / Als exempels weise / mit rind  
fleysch/ vnd frischen eyern/ Da sollen  
am ersten gessen werden die eyer vor  
dem fleysch/ Von wegen irer leichten  
dāwung / vnd grossen vnderseyd/  
die sie gegen einander haben / Also  
auch inn andern dingen/ vnnnd frūch-  
ten/

Die ein flüssigen banch haben/mö-  
gen von denen frūchten essen/die den  
leib zūziehen / vñ wolriechend seind/  
Als biren/ kütten/vnnnd dergleichen/  
vnd das selb am meysten im anfang  
der speiß/ zuuor so sie mit etliche wol  
riechenden dingen vermische wer-  
den. Als Auncenna sagt.

Welche haben einn magen der nie  
schlūpfferig ist / der soll essen im an-  
fang speiß die leichtlich steigen zu  
grund des magens / Vñ ehe die ding  
die



## Vancket der Hofe

die lindern/dañ die verstopffen / Als  
pflaumen/Pfersich / Weinber/vnnd  
dergleichen.

Auicenna wil auch daß die subtile  
speiß sol vor der grobē gessen werdē/  
wan so ein speiß harter dāwung vor  
gessen würde/ so wirt die speiß leicht-  
ter dāwung zerstört/ auß langsamer  
dāwung der vorgessen speiß/ Wann  
die dāwung geschicht im grund des  
magens / Wann der vndertheyl des  
magens dāwet / der obertheyl begert.

Aristoteles sagt/dieweil der vnder  
theyl des magens vil hitz hat/vñ der  
ober wenig/ vnd die groben speiß be-  
geren einer grossen hitz / die subtilen  
einer kleynen/ volget darauff daß die  
grogen speiß vorzunemen seind / vnd  
die subtilen hernach / vnd verneinet  
daß einerley dāwung mög geschehē  
im obern teyl des magens / die gnüg-  
sam sei. Derhalben die besser vñ sich-  
erer meynung/ dz die grobe speiß vor-  
gehe/wie hernach beschriben wirt vñ  
denen eygenschaften vnd complexio-  
nē der speiß/ welch seien leichter dāw-  
ung/



ung/vnnd welche harter/ Auch was  
nutz vnnd schad auß einer jeglichen  
speiß volge.

# Vō mittäglichen schlaff

ob er schad oder nutz. Cap. V.



**N** Jemand sol schlaffen nach dē  
morgenmal/ wann dauon vol-  
get grosser schadē/vil krank-  
heit/zuvor das podagra/schnupffen/  
hauptwee. Vnd ob einer schlieff von  
wegen einer vrsach oder auß gewon-  
heyt / sol es geschehen auff ein halbe  
stund/vnd nit lenger/mit auffgetho-  
nem gürtel/ on schüch / doch mit be-  
deckten füßen/ mit etwas auffgeheb

B



## Bancket der Hofe

tem haupt / vnnnd an einem finsteren  
ort / Wan dz liecht beweget die feuch  
ten vnnnd verzert die geyst / Als An  
cenna sagt / Wann er sagt auch daß  
wir mehr übertretten sollen in wach  
en dann mit schlaffen / zu aller zeit / zu  
vor in Pestilenzischer zeit / Wan wir  
bedörffen mehr trücknung dan feuch  
tung.

## Von der stund vnd ord= nung des Nacht essens. Cap. VI.

**D**en ist angezeyget / wie vor  
dem morgenessen sol gesche  
hen ein mässige übung / vnnnd  
wie nutz es sei / Das sol nun auch ge  
schehen vor dem nachteffen / darmit  
die begird zuessen gescherpffet wer  
de.

Doch wer es fast zimlich / daß das  
nachtmal geschehe über acht stun  
den nach dem morgenmaal / wann es  
wird abgenommen / daß als dann die  
däwung





däwung recht geschehen sei / Vnd  
 ob sich einer noch vnuerdäwet ent-  
 pfindt / eintwedeers durch verhin-  
 derung des magens / odder mangel  
 der begird / odder durch ander zeych-  
 en verstünd / die däwung noch nicht  
 volbracht seind / so mag er dise zeit  
 noch weitter verziehen / oder gar nit  
 zunacht essen.



## Bancket der Hofe

In sonderheyt sollen die nachtessen leichter sein dan die morgenmal.  
Es sei dann/ daß einer zu morgen ein  
Kleyne ergezlicheyt oder zech an stat  
eines morgenmals gehalten/ Als die  
mit weißlichen gschefften vmbgehn/  
essen wenig zumorgen/ Aber das  
nachmal thun sie statlich/ welche ge  
wonheyt ist nit zuuerachten/ Wann  
der schlaff hilfft solchen verzerē das  
nachtessen/ welches nit hette mögen  
verdawet werden im tag. Wan/ wie  
Galenus spricht/ so hat der schlaff  
zu volbringē alle dawung die gesche  
hen mögen on bewegung.

## Von ordnung des Trin ckens. Cap. VII.

**D**iese ordnung sol ein jeglicher  
zugleich im morgē vñ nacht  
essen behalten / Daß keiner  
trincke/ biß er im wol gessen hat/ vnd  
daß er mehr esse dann trinck/ Wann  
mehr trincken dann sich gebürt/ zer  
stört





stört die dāwung/ Vnd auß überflüs-  
sigkeyt des trinckens geschicht / daß  
die speiß auß dem magen steigen inn  
die glider / ehe vñ sie volkommen ver-  
dāwet werden / vnd bringt so vil an-  
der gefehrlicheyt / daß etliche Docto-  
res wollen / wann man esse / daß man  
nicht trincken sol / Aber das ist zuuer  
stehen von dem arznei tranck.

B iij



## Bancket der Hofe

Auch sagt Auicenna / daß wir nie  
trincken sollen zwischen dem morgē  
vnd nacht essen / wann dauon würd  
die dāwung zerstöret / vnd sonst von  
anderer vrsach wegen / sprechen alle  
Doctores / daß es vast schedlich sei /  
Vñ ob einē gleich nach dem essen dür-  
stet / vñnd begert zu trincken / Alleyn  
daß diser durst nicht falsch sei / so sol  
er trinckē sitlich / gleich als durch die  
zeen.

Wann einer wil schlaffen gehen /  
dem ist auch vnnutz nach dem essen  
trincken / von wegen der vorgemeltē  
vrsach / dann es were ein natürlicher  
durst / vnd nicht trughafft von we-  
gen vil einnemung speiß vñ trancks /  
oder daß er natürlich wer inn einem  
menschen / der ist Colericus / inn wel-  
chem das trincken sol zūgelassen wer-  
dē / doch dz die vrsach des dursts nit  
sei die vile des trinckens.

Man sol auch die jungen Kinder  
vñnd die Colerischer Complexion  
seind / nicht lassen durst leiden / zu-



vor Sommers zeiten / damit sie nit  
ausdorren.

Es spricht Rasis / daß die menschen  
mittelmässigs fleysch / nicht zu  
feyßt noch zumager / haben ein gros-  
se begird zu trincken / mögē on forcht  
wasser trincken.

Auch ein durst von wegen übers-  
flüssiges trinckens / ist trugenhafft /  
vnnnd von nöten daß keiner darauff  
trinck / wann also wirt er gelescht /  
sagt Rasis. Auch soll niemandt  
nüchtern trincken / weder wein / noch  
wasser / Als Auicenna vnnnd Rasis  
sprechen.

Das wasser das ob dem tisch ge-  
truncken wirdt / soll kalt sein / vnd nit  
gemacht mit schnee / auch nit schnee-  
wasser / wie wir in nachuolgen-  
den Capitteln sagen werden  
vonn dem brauch weins  
vnnnd wassers / vnnnd  
von irem schaden /  
vnnnd nutz.

B iij



Sancket der Hofe  
 Zu welcher zeit / vnd wie  
 lang sich zimme zuschla-  
 fen. Cap. VIII.



**E**s ist nutz / spricht Avicenna /  
 dz sich ein jeglicher mässig be-  
 wege nach dem nachtessen /  
 doch daß sein leib nit müd gemacht /  
 vnnnd die speiß auß überflüssigem ü-  
 ben nit zerstört werde. Vnnnd so zw  
 oder



**D**er bauch sol entladen werden / ehe man in das badt gehet / das macht feucht / vnnnd erquicket dē leib / thut vff die schweyß löcher / verschwendt die gesamlet vnflichtigkeit / mindert die erfüllung / macht subtil die feuchten / reizet zu dem schlaff / verzert überige feuchtigkeiten / truckt nider die schmerzen / nimpt hin die müde des leibs / vnnnd scherpfft die begird zu essen.


Aber die schädenn des bads seind / zerstörung der krefftten / grosse erhitzung des leibes / vnderweilen auch mit onmacht / bewegung des vndarrens / schnelle vnder sich steigung schnöder feuchten / vnd vil ander gefährlicheyt / fürnemlich so man bald badet nach der speiß.

Nach dem bad sol mann erst essen so drei stund verlauffen seind / vnnnd außserhalb des bads schwitzen / ist sehr nutz.

**Von getranck / Erstlich**  
des weins complexion / nutz vnd  
schaden. Cap. XI. **Auß**



## VZ Bancket der Hofe



**A**uß gutem wein werden subtil  
vnd klare geyst / wann sie seind  
güter narung / güter dāwung /  
vnnnd güter substanz / so sie werden  
māssig getruncken / vnnnd kein krank-  
heyt das hindert / Ist als wol vnder-  
schiedlich in seiner krafft / als inn sei-  
ner farb / vnd qualitet / Wan wie ein  
vnderscheydt ist vnder den farben /  
auch vnder den klaren vnnnd trüben /  
also ist auch ein vnderscheyd vnder  
dem alten vnd newen / süssen vñ sau-  
ren wein / in iren wirckungen vñ qua-  
liteten / Also dz der alt wein ist hitzig  
in dem dritten grad / vnd der new in  
erstē. Je stercker der wein ist / je mehr  
er hat von der werme. Der rot vnnnd  
dick



dieß wein bläet auff den magen/ Desß gleichen auch der new / vnnnd ist nit bequem der dāwung.

Der süß wein ist geneyget zu lindern den bauch/ vnd ist schwächer dan der nicht süß ist. Der süß vñ alt ist bequem dem anligen der brust/ lungen/ blasen/ nieren/ vñ anderen dergleichē/ Welcher scharpff vnd zūziehend / ist mehr geschickt zubewegen wehtageß des haupts. Der saur wein je seurer/ je mehr er ist kalt vnd drucken/ vnnnd abgesündert von der natürlichē complexion des weins/ welche ist warm. Auch je mehr ein wein wolriechend ist/ je mehr er dem magen zimpt/ vnd minder nutz ist dem haupt.

Der wässerig wein/ schlechter farb/ subtils gschmackß/ hat von natur in seiner krafft einn gemeynschafft mit dem wasser/ vnnnd gibt gleich ein substanz wie das wasser. Derhalben wenn es sich vnderweilen zimmet einem fieberigen menschen wein zugebē / so möcht des gleichē am aller sichersten geben werden / Wañ er gebirt  
nit



## Sancket der Hofe

nit windigkeyt/vnd mehret auch nit  
die entzündig noch andere zufell/die  
geschehen möchtē auß einem andern  
wein.

Es spricht auch Aristoteles / daß  
ein guter klarer wolriechender wein/  
nit so gar alt oder new / so er mässig  
getruncken wirt / stercket den magē/  
erquicket die natürliche hitz/hilfft dā  
wen/behelet die speiß vnzerstört/wen  
det daß die feuchten nit liderlich zer-  
stört werden/ ist nutz dem haupt/er-  
frewet des menschen hertz/macht ein  
gute farb/erquicket die zungen/ist gū-  
ter narung vnd substanz / ernert die  
guten vnd klaren geyst / vnd bringet  
vil ander nutzbarkeit. Aber so er vn-  
mässig getrunckē wirt/ macht unge-  
stüm die vernunft vn̄ sinn / betrübt  
das hirn / bringt vergessenheyt / be-  
kümmeret den entpfündelichē geyst /  
zerstört die begird zu essen/ schwecht  
die glider/schadt den augen/ bringet  
schaden vnd vnlast der leber / macht  
ein grob geblüt/bringt irselige träu-  
me/ vnd vil überböß krankheyt / als  
den



den anssatz / vnd dergleichen / Trüch-  
tern getruncken / gebirt er das poda-  
gra. Die alten sollen nit trincken süß-  
sen wein / wann er ist verstopffend /  
vnd jnen auffß schädlichst.

Von des Biers eygen-  
schafft / schaden / vnd nutzbar-  
keyt. Cap. XII.



**D**er wirt gekocht mit weygen/  
gersten / habern / vnd hopffen.  
Ist zweyerley / Das dick wirt  
duppel bier genant / das ander ist lieb-  
licher / subtiler vnd besser. Wā dick  
bier machet feuchte / das ander das  
lieblicher ist / nit souil. Bier mehrer  
C



## Bancket der Hofe

die krefft/ fleisch vnd blüt/ ist groſſer  
narung/ beweget den harn/ mit linder  
rung des bauchs / zuuo: ſo es mit  
hopffen kocht iſt/ Wiewol mit zuvil  
hopffen/ ſchadet es denē die ſchwach  
hirn haben/ dieſelben macht es trun-  
cken / vnn̄ diſe trunckenheyt weret  
lenger dann des weins.

Bier das nicht wol gekocht wirt/  
daß kület ein wenig / vnn̄ bläet den  
bauch. Aber das ſaur beſchädigt den  
magen / das trüb verſtopfft / vnn̄  
ſchadt denen die den ſteyn haben/ vff  
bläung vnd kürze des athems. Bier  
das übel gekocht wirt / macht wind  
im magen vnd bauch/ beweget die ber  
mütter / Vnd welches nicht wol alt  
iſt / vnd gereyniget von ſeiner heſen/  
das wirt nicht wol verdewet/ bringt  
die harnwind/ vnd eben die ſchäden/  
die das übel kocht hier. Bier auß ger  
ſten vnd hopffen wol gekocht/  
welches iſt das temperi-  
erteſt vnd gſundeſt/  
öffnet die ver-  
ſtopffung.

Von



vnd Edellent.

XVIII

Donn des Wassers ge-  
brauch/nug/vnd schaden.  
Cap. XIII.



**W**asser ist Kalter vnd feuchter  
natur. Das aller best brun-  
nen wasser ist / welches vr-  
sprung ist kert gegen auffgang der  
sonnen/vnd ringer vnd auffspringen  
C ij



## Sancket der Hofe

der/ vnd je minder es sommers zeiten  
gmindert wirt/ vnd je höher das ort  
ist/ dauon es fleußt/ je besser es ist/ zu  
vor weñ es entspringt zwischen den  
steynen/ die klar seind / on merckliche  
geruch/ vnd geschmack. Dioscorides  
sagt/ daß in krankheiten mag darge  
reicht werden regen wasser / wan es  
ist leichter/ lustbarlichen gschmacks/  
behender dāwung.

Mann pflegt den kranken wasser  
zusiedē mit mancherley dingē. Wan  
von wegen seiner siedung verleurt es  
sein röhe/ keltē vñ schedliche feuchte.  
Also weñ die Melancolische feuchte  
die krankheyt verursacht / so soll es  
gesotten werden mit ochsenzungen  
wurgel / vnd mit Borrich blettern/  
odder mit einem auß disen. Wenn ei-  
ner besorgt wetagē des magens/ mit  
zimmetrinden oder neglin. Wenn ei-  
ner das Paralisiß besorgt/ mit Saluey  
vnd Honig. Hat einer hitz/ mit ger-  
sten. Im wetagē der Leber/ mit weg-  
warten vnd hirschenzungen/ In ver-  
stopffungen/ mit Tamarisc. Wen ei-  
ner



ner besorgt das Podagra / mit Iua  
artetica vñ hirschenzungē. Welcher  
hat windigkeyt / mit ānis vñnd zint-  
metrinden / Daß der harn getriben  
werde / mit süßem holz. Wenn man  
gel ist des gesichts / mit fenchel vñnd  
ānis. Also in anderen krankheyten  
mag das wasser gesotten werdē mit  
etlichen dingē / die zu der krankheye  
tügen.

Galenus spricht / daß er hab einen  
Kranken gesehen / der mit einē trück  
eins kalten wassers zu bequemer zeit  
vonn stund an hab außgetriben das  
fiber.

In welchem am meysten die zwey  
ding zumerckē seind / daß diß inbrün-  
stig feber / Causon genant / sei in seinē  
abnemen / vñ dz der hab so vil krafft /  
vñd so vil trünck in aller größe / daß  
er möge auflöschē solche fieberische  
hitz. Vñnd zeygt auch an Gale. daß  
der schwach mag vil trincken on an-  
sich ziehung des athems. Wann so  
er wenig trinckt / so würd die hitz erst  
mehr entzündet / als beschicht den



## Bancket der Hofe

Schmiden / welche ein wenig wasser  
sprenzen inn das ferwer / daß es baß  
brenne / vñ also entzündt es sich / vnd  
entpfahet / Wann so vil darein gos-  
sen würd / so erlescht es gar.

Den Cholerics vñ jungen leuten /  
welche von wegen einer Franchheyt  
nit haben zusörchten wasser zutrin-  
cken / ist kein tranck gesünder dann  
wasser. Wiewol Aui. sagt / daß nicht  
vil wassers sol getruncken werden /  
nach dem essen / wann es sündert die  
speiß vonn dem magen / / macht sie  
schwimmend / vñd zerstört die dā-  
rung. Er wil auch daß zuuermeidē  
sei vil trincken ob dem tisch. Vil was-  
fers zwischen der speiß erkelt den ma-  
gen / zerstöret die dārung / vnd brin-  
get ander vil mehr schaden / wann es  
vnmaßig getruncken wirt.

## Von des brots nutzbar-

keyt vnd schaden. Cap.

XIII.

Brot





**B**rot das nit geseibert wirt von  
 seiner klei / ist einer bessern sub-  
 stanz vnnnd dārung vnnnd nicht ver-  
 stopffend / Vbel geb. hen brot ist  
 böser dārung. Die trucken vnd ver-  
 brennet rinde eins brots offst gessen/  
 gebirt Melancolische feuchte / vnnnd  
 die verbrennt Coleram / Aber die bro-  
 sem ist besser narung. Die rinde des  
 brots / sie sei verbrennet odder nicht/  
 ist nutz denen die vil feuchtigkeyt ha-  
 ben in dem magen / vnd absteigende  
 feuchtigkeyt zwischen den fällen der  
 augen / odder ein schwach / nūblig ge-  
 sicht / zu end des essens eine einnemē/  
 vnd nichts darauff trincken.

Warm brot ist nicht nutz zuessen/

C iij



Wanczet der Hofe  
aber sein geruch ist nutzbar / stercke  
vnd erquicket einn onmechtigen.

Vonn fleysches eygen=  
schafft/nutz vnd schaden.

Cap. XV.



**E**s seind vilerley opinion von  
aufferwelung vnnnd narung  
des fleysch. Rasis sagt / dz des  
lambes fleysch sei besser dann das eig  
fleysch / vnd die andern sagen das wi  
derspil / das des lambes fleysch sei ü  
berflüssiger feuchtigkeyt. Ander spre  
chen das das schweinen fleysch eins  
jars alt sei besser / Etliche das eines  
schwarzen Widers fleysch eins jars  
alt



alt/Edlich das Kalbfleisch sei besser/  
Vnd also sind mancherley meynung/  
Wiewol so sie recht verstanden wer-  
den/seind sie alle gleich. Fleisch eines  
verschnitten widers/ eins jars alt ist  
leichter dāwung / Kalbs fleisch hat  
eine beständige feuchtigkeit. Fleisch  
nahe bei den beynen ist gūter dāwūg  
vnd gschmacks. Ochsen vnd kū so sie  
alt sind/ habē sie Melancolisch flei-  
sche / vnn̄ böser dāwung/Wan̄ wel-  
che fast damit gespeist werden / sind  
geneygt zu dem viertäglichen feber/  
Wann wie Auicenna sagt/so ist das  
rind vnd Ochsen fleisch viler vñ gro-  
ber narung/machet den aussatz/vier-  
täglichen feber / vnd ander vil schaden.  
Die brū dieses fleisch noch nit genūg  
gekocht hilfft zu bewegūg des bauch-  
es. Fleisch truckner complexion sol  
man̄ sieden/ vñ das feuchter cōplexi-  
on bratē. Geysß od̄ Bocks fleisch ist  
am aller trucknesten / vnd meret das  
grob/trüb/vnd Melancolisch blūt/  
ist grosser narung / vngehorsam der  
dāwung/wirdt mit grosser beschwe-



## Bancket der Hofe

zung verzert von den glidern / ver-  
stopfft den bauch / Vnd wenn es ges-  
sen wirt von denē die haben ein Me-  
lancolisch complexion / so beschedigt  
es das milcz / machet verstopffung  
darin / dauõ erwachsen wassersucht /  
wimbkriechend geschwer / auffatz / rau-  
ben / Frantzosen / vnn̄d ander Franck-  
heyt / Vnd das geschicht am meyste  
so es in stātem brauch / vnn̄d in gros-  
ser vñle gessen wirt. Vnd dise schaden  
kommen nach dem alter diß viehes /  
vnn̄d geben auch darnach narung /  
wan̄ es seind saugende / junge / eltere /  
vnd gar alt. Das saugend gibt ein gū-  
te narung / lieblich vnd leicht zu dā-  
wen / vnd macht ein gūt geblūt / Das  
jūg fleisch ist nit als gūt als d̄z saugē-  
de / wan̄ es ist feuchte / doch etwas her-  
ter dāwūg / wiewol das blūt das da-  
von erwechst / ist nicht auffß bösest /  
von wegen der stercke seiner natür-  
lichen hitz / Vnn̄d sprichet Isaac / daß  
sein brū mit essig angemacht / vnn̄d  
getruncken / sterckt den magen vnn̄d  
ingeweyd / ist nutz der Cholerisch-  
en



en Franckheyten/ Aber das etwas äl-  
ter ist / hat ein truckne Complexion/  
wirdt bößlich verdawet/ gebirt einn  
Melancolische feuchten / zuuor so es  
ein fürderung oder gleichförmigkeit  
findt bei dem der es neußt. Aber das  
gar alt ist das aller bößest / von wege  
seiner hitzigkeyt vnnnd truckne / gibt  
kein narüg / vn̄ ist keins geschmackes.

Gesalzen fleysch das fast getrück-  
net ist/ gebirt böse/ grobe vnd Melan-  
colische feuchten/ schädlich den Kran-  
cken / vnnnd vngesund den gesunden/  
mit kleyner vnnnd fast bößer narung/  
darumb es gar karglich soll gessen  
werden/ vnnnd bei den gewonten/ wi-  
der entwenet.

## Von Vögeln/ ihren ey- genschafften vnd gebrauch.

Cap. XVI.



Sleysch



## Vancket der Hofe

**F**leysch vō vögeln die im was-  
ser wonen/ist schwer/ vnd nit  
güter dāwung/ mit vil über-  
flüssiger feuchtigkeit. Heñen fleysch  
ist lieblich vnd angeneh dem magen  
sein brū erquicket/ temperiert/ gibt  
mehr substanz dann ander brū. Der  
Turteltauben fleysch ist gütter sub-  
stanz/ lendet sich zu warmer cōplexi-  
on/ Vnd spricht Rasis/ daß es wun-  
derbarlich scherpfte die vernunft/  
mehr dann alles ander fleysch/ Sein  
blüt verstellert den bauchfluß. Holz-  
tauben fleysch/ist warmer vñ truck-  
ner Complexion/ vñ grober substanz  
dann der Turteltauben.

Die gemeyn tauben haben ein ü-  
berflüssige feuchtigkeit/ bringen we-  
tagen dem haupt/ Vnd in gemeyn/al-  
le thier die vil überflüssigkeit geberē/  
seind kleyner substanz. Hirschen/ Ha-  
sen/ Küniglin/vñ dergleichen fleysch/  
haben ein eygenschafft zu geberen  
Melancolische feuchten. Die füß der  
Schwein/ Ritz/ Wider/vnd derglei-  
chen/sagt Gale. geberen gute feuch-  
ten.


Von



vnd Edelent.

XXIII

# Von Saltz vnd seiner eygenschaft. Cap. XVII.



**S**altz ist warm vnd trucken/be-  
quem garnache inn allen spei-  
sen/ gibt inen einē geschmack/  
vnd macht begirde zu essen. Vnd wo  
kein saltz/da ist auch kein geschmack/  
Wo es in grosser vile genomen wirt  
verbreñet es dz geblüt/schwecht das  
gesicht / mindert den samen / mache  
jucken vnd rauben der haut/ vnd an-  
dere nachtheyl.

# Von Eyern / irem nutz vnd schaden. Cap. XVIII.

Eyer



## Banket der Hofe



**D**er von Kephünern sind am besten/ Vnder allenn die frischen sollenn außerlesen werden/ zuuor den Francken/ die seind guter narung / zuuor die dotter/ alleyn gessen/ gesottē in wasser. Aber gebraten seind sie nit gesund / wann jr hitz wirt gemehrt vō dem feur. Eyerdotter ist tēperierter werm/ vñ guter narung/ Aber das eyerklar ist schleimig/ kalter complexion / herter dāwung/ nit guter feuchten/ hert gesotten eyer seind härter dāwūg/ bleibē lenger im magen/ dan wan sie sonst bereyt werde/ auch ist d dotter nutz d brust/ kälte lügē/ vñ denē die dē bauchfluß habē.

Eyer mögen zu aller zeit / vnd in was krankheyt es sei / dargereycht werden / wo sie frisch vñd lind sein/ doch daß angesehen werde die krafft des Francken. Ober das sagt Auicen  
na/



na/die langlechten vnd Kleinen besser  
sein dann die anderen / Wann die ge-  
beren einn geschickt geblüt dem her-  
zen/ Sollen genommen werden von  
den hennen/die hanen haben. Vnge-  
legt eyer die im leib der hennen ligen/  
seind minder nutzbarkeit/wan sie ha-  
ben noch kein vollkomene zeitigung/  
als die vnzeitigen frucht zc.

**Von Essig/seiner nutz-**  
barkeit/vnd schaden. Cap. XIX.



**E**ssig ist kalt im ersten grad/  
trucken im andern/mehr oder  
minder / darnach er new oder  
alt/starck oder schwach ist. Vnd ist  
nichts bequemer zu külen/macht an-  
dere argnei durchtringend / stercket  
den magenn / machet lust zu essen/  
Derhalben



## Bancket der Hofe

Derhalben wirt er inn Salsen ver-  
mischt/ wider strebt vnnnd treibe auff  
die überflüssigkeyt von dem magen/  
lapiert den.

Die reibung der solen der füß vnd  
hend/ mit essig/ vnd salz/ ist nutz der  
hirnwütigkeyt/ machet wachen. Er  
schadet auch der brust/ so er starck  
ist.

## Von Fischen / vnd irer qualitet/ schaden vnd nutz- barkeyt. Cap. XX.



Die



**D**ie weychen vnd schleimigen  
fisch seind nit güt/ als die al/  
schleien/ vñ dergleichen/ auch  
die grossen. Aber der Hecht/ ein be-  
kanter fisch/ ist hart/ vnd schadt min-  
der dann ander fisch. Die Kleinen ber-  
sich/ grundeln/ vnd dergleichen/ seind  
auch nit so schedlich als die andern.

**Vñ Honig/ wem es güt**  
oder böß sei. Cap. XXI.



**E**s spricht Galenus / dz honig  
sei geschickt zu feulung vñnd  
zerstörung / vñ gberet die feuch-  
te/ Coleram genant/ vnd verstopffet.  
De Glegmaticis ist nuzer Honig dan  
zucker.

D



## Bancket der Hofe

Auch sagt Galenus/ daß in denen  
leiben/ darinn das Honig findet über-  
flüssig feuchtigkēten/ sie seien vonn  
wegen des alters/ oder krankheytē/  
oder ihr complexion die ihnen natür-  
lich ist/ die werden leichtlich verkeret  
in temperierte feuchten vñ güt blut/  
verlezt die Cholericos / die jungen/  
vñ id die das feber haben. Ist aber  
nutz den alten/ vñ die ein flegmati-  
sche complexion haben.

## Von gebackens in küch- lins weise. Cap. XXII.



**A**lle ding die bereit werden inn ei-  
nem teig oder küchels weis/ seind  
schädlich/



schedlich/ vnnnd böser dāwung / werden leichtlich zerstört im magen / sie werden den rectificirt mit der sewre der Limonenöpfel/ citrinöpfel/ oder der Agresta/ vnd andern dergleichē/ geben auch kleine narung/ gegen denen speisen die brū haben/ seind doch nutz denen die vil feuchtigkeyt habē/ vnnnd die ihren leib trücknen vnd subtil machen wollen/ den hilfft es. Rasis Isaac/ vnd Galenus.

## Von Obs fruchten complexion vnd Wirkung in gemeyn. Cap. XXIII.

**A**lley frucht / als Auicenna vnnnd Galenus sprechen / seind schedlich / außgenommen die sawr sein/ als sawr Kirschen/ Rüttē Granatöpfel/ Kriechen/ vnd dergleichen. Auch etliche wolriechende biren/ Alley das darauß/ so sie gessen werdē on brot/ keiner trück/ es sei dan guter wein. Frucht welche haben ein

D ij



## Bancket der Hofe



überflüssige feuchtigkeyt/ vnd bleibe  
nicht inn ihrer complexion/ so sie ein  
zeit behalten werden / schaden denen  
die das feber haben.

Dergleiche welche frucht sich dö-  
ren oder trücknen lassen / vnnnd nicht  
faulen / seind besser dann die behalten  
mögen werden.

## Von Weinbern comple- xion/Qualitet vnnnd Wirkung. Cap. XXIII.

**E**s seind mancherley gschlecht  
der Weinberen / vnderscheid-  
lich in der farb / geschmack / ge-  
ruch / substanz grössse vñ gestalt / Et-  
liche





liche seind wolriechend / als Musca-  
teller / Etliche haben mehr feuchtig-  
keit / etlich dicker haut vnnnd beer / sin-  
wel / etliche langelecht / weiß vnnnd  
schwarz / etliche die sich mehr lenden  
zu weisse dan zu schwärze / vñ etliche  
die sich mehr neygē zu schwerze dan  
weisse. Weinbeer seind gnügsam tem-  
periert in der werme / fast lieblich der  
natur / füret wol / wiewol jr narung  
wenig substanz gibt. Weissē wein-  
ber seind besser dāwung vnd narung  
dan die andern / reizē den harn. Aber  
die schwärzē seind herterer dāwūg /  
wiewol sie mehr stercken den magē /  
Auch die roten vnd gelblechten seind


D ij



## Vancket der Hofe

mittelmässig zwischen den weissen  
vnnnd schwarzen inn der dārung/  
als wol als in der substanz vnnnd na-  
rung. Je zeitiger je besser/ geberen da-  
ster besser feuchten/vnnnd geschickter  
zufüren/dann sonst. Vnnnd spricht  
Albertus Magnus/ dz die weinbeer  
güt seind/welche einer gūten gestalt/  
an einem heytteren tag abgebrochen  
zu mittag/in abnemenden Mon/drei  
oder vier tag auffgehencet vnnnd be-  
halten ꝛc.

## Vñ Rosin. weinberlin/ vnnnd ihrer Wirkung/ Cap. XXV.



**R**osin Wein-  
berlein seind  
einn fruchte  
für gesunde vnnnd  
francke / vnd wel-  
che süßer seind / haben mehr werme  
vñ feuchtigkeit/die sauren vnd zūzie-  
henden minder/Die bessern seind die  
grössern vnd subtiler haut vnd korn  
habena



habē/ Aber welche die sawr effigs ge-  
 schmack haben/ stercken den magen/  
 milteren die hig/ Die süßen behalten  
 das mittel/ temperieren die feuchten/  
 seind nutz den wetagen des magens/  
 vnnnd bauchs. Die gereynigt werden  
 von iren kernen / seind nutz der brust  
 vnnnd lungen. Aber mit den kernen  
 sind sie hüßflich dem bauchfluß/ den  
 nieren vnnnd blasen/ zuno: die süßen/  
 Vnnnd ihr bei zwölffenn eingewey-  
 chet inn wein odder wasser / nach  
 dem es die zett vnnnd complexion ei-  
 nes jegklichen gibt / sind güt der le-  
 bern.

**Der Feigen proprie-**  
 tet / schaden vnnnd nutz.  
 Cap. XXVI.

**F**eigen seind mancherley / Die  
 weissen seind besser dann die  
 andern. Darnach die roten  
 vnd schwarzen / je zeitiger je besser.  
 Dioscorides sagt / sie schaden dem  
 D iij



## Bancket der Hofe



magen/so sie böß feuchten darin fin-  
den / laxieren vnd machen schwitzen.  
Vnd wie Gale. spricht/ so gebirt ihr  
stäter brauch leuß. Die dürren seind  
dem magenn nützer/ wann sie haben  
kein feuchtigkeit/er quicken die dāw-  
ung/ zertheylen vnnnd machen subtil  
die feuchten/seind nutz der brust/lun-  
gen vnnnd nieren. Wenn sie gesotten  
werden in wasser vnnnd honig/ seind  
sie nutz zu gurgeln/ vnd zu dem wee-  
tagen der kälten / schedlich der leber  
vnnnd miltz/vnnnd machen durst. Sol-  
che fruchte sollen allein gessen werde  
von hitzigen vnd Cholerischen / vnd  
sol kein frucht vermischet mit bößenn  
speisen gessen werden/ wann sie wirt  
verkert in die natur derselbigē speiß.

Von



## Von der Kriechen quali-

tet/schaden vnd nutzbarkeit.

Cap. XXVII.



Die Kriechen  
 seind man-  
 cherley/  
 weiß/schwarz/süß  
 vnd sawr/ Die Da-  
 mascenen seind die  
 bessern. Auicenna  
 spricht / daß die  
 schwarzen ein we-  
 nig hert vnd sauer/besser seind/ Aber  
 die süßen seind warmer vnd feuchter  
 complexion/mit einer wenigen kelte/  
 helfen der dāwung/werdē leichtlich  
 zerstört im magen. Die sauren seind  
 bequemer dem magen / aber minder  
 hülflich der dāwūg/kalter complexi-  
 on im andern grad/vnd mögen nütz-  
 lich gereycht werden in hitzigen vnd  
 Colerischen krankheytē/zuvor nach  
 purgierung/so sie anfahren gsundt zu  
 werden. Auicenna sagt/daß alle new-  
 frucht/das ist/die kürzlich abgebr-

D v



## Bancket der Hofe

chen/sind schedlich/von wegen ihrer  
leichten zerstörlicheyt / die inn ihnen  
erfunden wirt. Derhalben sollen sie  
von jnen vermeidet werden.

Die gedörten Kriechen laxiren min-  
der/helffen minder der dāwung/vnd  
werden nicht leichtlich zerstört / sie  
stercken den magen / vnnnd geben ein  
grössere narung/vnnnd mögen geben  
werden in einem jeglichen feber/ in ei-  
nem wasser geweycht.

## Von Kirschen/ irē scha- den vnd nutzbarkeyt. Cap. XXVIII.



**K**irschen seind nutz / wenn sie  
geessen werden mit ihren Ker-  
nen



nen auß den steynen. Wann die selben haben ein eygenschafft zu zertreiben den steyn in den nieren vnnnd blasen/wann die milch oder der safft davon getruncken wirt/Aber das außwendig der Kirschen gebirt ein güte blut/ vnd sterckt/ Der Kirschen etlich seind klein/etlich groß/ein teyl sawr/ vnd ein theyl süß. Die süssen vnd kleinen seind nit gesund / sie werdē leichtlich zerstört/ vnnnd geben würm in dem bauch. Aber die groben vnd sauren/seind rot mit lindem fleysch/sollen gessen werden im anfang des essens / wann sie machen lust zu essen. Etliche seind schwarz vnd süß/welche sollen gessen werden zu end des morgēessens/od im nachtmal/Wann sie seind zūziehen vnnnd abtrücknen den magen. Die süssen Kirschen seind nützer den Flegmaticis/vnd die sauren den Cholericis.

## Von der Resten Com- plexion/nutz vnd schaden.

Cap. XXIX.

Resten



Bancket der Hofe



**R**esten odder Castaneen seind  
warm im mittel des Ersten  
grads/vñ trucken im andern/  
leichter zu verdawen/dann Eycheln/  
vñnd grösser narung / Die gebraten  
seind besser dann die rohen/wann die  
hitz benimpt in hinetliche schäden/  
die auß ihrem brauch entstehen mö-  
gen. Mit saltz zerstoßen/mit Honig  
vermischt/ seind sie nutz denen so ge-  
bissen



bissen von wütendē Zunden/ Wann  
sie mit wein pflasters weise gemacht  
werden/ so stellet es blütfluß der fra-  
wen/ Mit gerstenmel vnnnd essig ver-  
mischt übergelegt.

Die schelfen gekocht odder vermi-  
schet mit wegrich wasser oder safft/  
settel alle fluß des bauchs/ mit zütle-  
hung vnnnd sterckung des bauchs/ so  
sie pflasters weiß übergelegt wirt.

## Von Eycheln/ vnd irer Complexion. Cap. XXX.

**E**ycheln seind kalt im ersten grad/  
Ertrücken im andern/ werden nicht  
wol verdawet/ beschliessen dē bauch/  
reizen den harn/ steigē langsam auß  
dem magen / bringen weetagen des  
haupts. Aber ir schelfen seind zütle-  
hend/ stellen die blütfluß / zuuo: der  
 weiber/ vnnnd seind güt wider giffte.  
Das puluer dauon fertigt den harn/  
vnnnd harnwinde / getruncken mit  
weißem wein / odder mit süß holz  
wasser.

Von



Bancket der Hofe



## Vonn Granat öpffeln

Complexion / schaden vnd from-  
men Cap. XXXI.

**E**s seind dreierley Granatö-  
pffel / als süß / savor / vnnnd mit-  
telmässiger süsse vnnnd serore /  
Die süssen seind kalt vnd feuchte / im  
ersten grad / vnnnd so sie mässig gessen  
werden /





werden/ seind sie zu einer artzney man  
cherley krankheyten/ sie führen nicht  
wol/ vnd geben windigkeyt. Aber  
die swaren seind kalter vnd truckner  
complexion in dem andern grad/ dies  
nen mehr zur artzney dann die süßen/  
leschen den durst den febrige/ vertrei-  
ben die hitz des magens vnd leber/ er-  
quickten die natur so sie müd wirt vñ  
hitz des febers/ bewegen lust zu essen/  
es sei dan/ daß hūsten oder ein ander  
zufal bei dem feber sei/ darzu sichs nit  
zimpt. Welche aber mit sewre vñnd  
süße vermischet seind / haben in allen  
das mittel / seind besser dann die an-  
dern. Vñ wo mann sie nit gehaben  
mag/ so sollen die süßen vermischet  
werden mit den swaren mit zucker/  
sagt Plinius vñ Isaac.

Granatöpffel



## Bandet der Hofe

Granatöpffel vier oder fünff biß-  
sen / nach dem morgen oder nachtes-  
sen mit zucker eingenommē / machen  
daß die speiß im magen nit zerstöret  
werde / trucken nider die dempff des  
magens.

Von öpffelen / vnd irer  
Complexion. Cup. XXXII.



**D**er den öpffeln seind etlich  
süß / welche seind einer tempe-  
rierten complexion / etliche sa-  
wer / welche mehr teyl haben an der  
kälte / etliche seind rauch / welche  
mehr theyl haben in truckne. Alle ö-  
pfel je minder sie feuchtigkeit haben /  
je wolriechender / je besser / Ir geruch  
sterckt das hirn vñ hertz. Es ist auch  
nicht güt / daß den francken vergüdt  
werden



vnd Edellent.

XXXIII

werden rohe opffel zu essen/ Wan sie  
geben in irer dāwunge windigkeit  
vnd roheyt/ in der dāwung/ vñ leber/  
derhalben sollen sie nicht rohe gessen  
werden. Aber bereyt mit einem Con-  
serua/ von zucker / oder gebraten mit  
zucker oder anis/ habē sie derer man-  
gel keine. In Hispanien braten sie die  
opffel zerschnitten mit pfeffer/ spre-  
chen/ es verzere die windigkeit/ Vnd  
seind allweg gesunden menschen ge-  
braten besser dann rohe etc.

Wonn der Biren erwe-  
lung vnnnd Complexion.  
Cap. XXXIII.



**D**iren ihe  
größer je  
besser/ doch  
daß sie seie guter  
farb/ süß geruchs  
vñ zarter schelff/  
geschlachts bau-  
mes / Wann sol-  
che haben ein kal  
te



## Bancket der Hofe

te vnd truckne complexion mit temperierter feuchte/etliche mehr etliche minder/nach ihrer qualitet / stercken den magen/geberen feuchte / miltern die Cholerische hitz / vnnnd so sie gesessen werden im anfang des essens / so stillen sie den bauch / doch eine mehr dann die ander. Vnnnd nach dem sie grosse fürderung geben zu der Colica oder Beermütter wehe/vnd zu anderen dergleichen krankheytenn / ist gut darauff trincken ein becher vol lauters weins / odder honigwasser / die nicht wein trincken / Wann also wirt verzeret ihr schad / der sonst ein fürgang hette.

Derhalben ist zumercken / wenn sie den kranken vergündt werden / daß sie gebraten odder gekocht seien mit zucker / oder zübereyt mit einem conserna. Wenn pffferling gekocht werden mit Biren/so wirt gemindert der schadē der pffferling/vnd nidd der getruckt jr bößheyt. Das sol verstandē werden von den wolriechendē biren.


Von



vnd Edelleute.

XXXIII

# Von Rüeten / vnd irem gebrauch. Cap. XXXIII.



Die Rütte habē vnderſcheyd gegē  
einander in gröſſe / geruch / vnd  
geſchmack / etliche ſeind wolriechend  
vñ grob / deſter beſſer / etlich klein / da-  
rumb auch nit als güt. Etliche ſüß /  
welche ſich lendē zu warme / etlich ſä-  
wer / für alle andere wäſſerig / ſterckē  
den magē / erquickē den luſt zu eſſen.  
Vor der ſpeiß ſtillē ſie dē bauch nach  
der ſpeiß machē ſie dē bauch flieſſen /  
geberē freud / zu or weñ ſie gebraten  
geſſen werdē / Vñ nach einer jegliche  
ſpeiß wehren ſie daß der dampff von  
dem wein nit vffſteige in das hirn.

℞ ij



## Bancket der Hofe

Welche sawr seind vnd wolriech-  
end / seind geschickt zu confortiren.  
Roht oder gebraten seind sie beque-  
mer den Francken/dann rohe/welche  
bringen wetagen dem ingeweyd/ als  
die bermütter vnd dergleichen.

Auch wenn sie inn grosser vile ges-  
sen werden/so mögen sie verursachen  
daß die speiß auß dem magen steigt  
ehe vnd sie verdäwet wirt/ das were  
ein fast schedlich ding den gesunden/  
vil mehr den Francken.

## Von der trucknen vnd nassen pfer sing eygenschafft vnd Complexion. Cap. XXXV.

**D**ie trucknen pfer sing seind  
kalter complexion. Welche  
wol zeitig seind/die bewegen  
den bauchfluß / welche aber nit wol  
zeitig seind/die verhindern ihn/seind  
lieblich / krefftigen den magen / Be-  
quemer im anfang des essens/dan zu  
legst über andere speiß zunieffen/ als  
Auicenna spricht/ wann sie stercken  
den magen/bringen lust zu essen. Sol-  
len





len doch allweg vor der speiß / vñ niß  
 darnach gessen werden. Wann so sie  
 zerstört werden / so zerstören sie auch  
 andere speiß / das kompt daher dz sie  
 sind subtiler substanz vnd kurtzer dā  
 wung / Derhalben werdē sie vergünte  
 zugeben inn etlichen Cholerischen  
 Kranckheyten / vor der speiß / wie ge-  
 sagt ist / vñ in widerkerung vñ Kranck-  
 heyten. Die gedörten oder getrückne-  
 ten seind nicht als guter dāwung.

Aber die wasserpfersing seind kalt  
 vñnd feucht / inn dem andern grad /

℥ iij



Bancket der Hofe  
nüzlich einem magen der fast warm  
ist.

Stäter brauch der pfer sich gebirt  
schleimige feber/die hart nachlassen/  
sagt Galenus / er habs gesehen vnnnd  
erjaren.

## Von der Nussen Coma plexion/ schaden vnnnd nuz. Cap. XXXVI.



**N**uß sein warmer vnnnd truck-  
ner complexion / Derhalber  
schaden sie deſter minder einē  
kalten magen/ Aber die grünen ſeind  
beſſer/ als Auicenna ſagt/ güter dāw-  
ung / doch machen ſie weetagen des  
haupts/vnd bewegen auffſtoſſen/ zu  
vor ſo ſie im anfang der ſpeiß genom-  
men werden. Vnd ſpricht Auerrois/  
welcher



vnd Edelheit.

XXXVI

welcher ihr vil iſſet / dem machen ſie  
ein groſſe ſtamlende zungen / bewe-  
gen das vndärwen vnnnd den bauch-  
fluß.

Iſaac ſpricht / Fluß ſeind warmer  
natur / higen vnnnd machen blatern  
im mund / vnd weetagen des haupts  
zc.

## Vonn der Haſelnuffen

Complexion / ſchaden vnd nutz-  
barkeyt. Cap.

XXXVII.

**H**aſelnuß / nach der lere Auicen-  
ne / ſeind ein wenig warm / vnd  
minder trucken / böſer dāwūg /  
weñ ſie nit bereyt geſſen werde / wan  
ſie machen engzündung vnd windig-  
keyt / mehrer Coleram / vnnnd weeta-  
gen des haupts / Derhalben bekom-  
men ſie nit denen die feber haben / A-  
ber ſo ſie gdört werden / ſeind ſie nutz  
dem haupt / zuuor einem der beſchwe-  
rung darinn hat von keltten.

℥ iiij



Bancket der Hofe



## Von der Mandelkernē

Complexion/ nutz vnd schaden.

Cap. XXXVIII.

**E**s seind zweyerley Mandel-  
kern/süß vnd sawer/die süßen  
seind warm vnd feuchte im er-  
sten/bequem zu der artzney/seind lieb-  
lich





lich/vnd schaden minder dann ande-  
re frucht/zugebrauchen schier inn al-  
len Franckheytē/ gedōrt seind sie nutz  
dem magen vnd haupt/ machen einē  
temperierten schlaffe / vñ wehren dz  
die dāmpff nicht auffsteigen inn das  
hirn. Derhalben seind sie gūt/denen  
der wein schadt/auff die speiß mit zu-  
cker überzogen genommen/bewegen  
zum schlaff.

Mandel milch temperiret fast vñ  
kület/zwingt die dāmpff/zuuoꝛ wann  
die Mandeln seind ālelet vñ nit new.  
Sie sollē aber nit allein geben werdē/  
wann sie schaden dem haupt vñ der  
brust.

¶



Sanctet der Hofe  
Von dem Zucker vnnnd  
seiner nutzbarkeyt. Cap.  
XXXIX.



**D**er weiß Zucker der ge-  
leutert/ist warm vnd feucht mit  
mässigkeit/ ein speiß vnd arz-  
nei. Kressiget vñ kält/ Ist bequem in  
febern/reynigt/ digeriert vnnnd bereit  
die feuchten zu austreibung. Er ist  
auch nit schedlich dem magen/als an-  
dere süsse ding / zuvor wo seind Cho-  
lerische feuchten / welche gemehret  
werden von süssen dingen/Als Gale-  
nus sagt.

In scharpffen febern aber ist nit  
güt sich vil gebrauchen des Zuckers/  
Wann



vnd Edelleut. XXXVIII

Wann er ein wenig hitz in ihm hat.  
Dann es were der ganz weiß vnd ge-  
leutert Zucker / welcher mehr geney-  
get ist zu keltten.

Es spricht Galenus vnd Auicen-  
na / daß ein jeglichs süß ding machet  
verstopffung allen denen / die es vil  
brauchen / mehrt die Apostem / zuuor  
in der leber.

Von Spargen.

Cap. XL.

**S**pargen / als Gale. sagt / seind  
kleyner narung / fertigen den  
harn / vnnnd öffen die versto-  
pffung der leber / miltz / nieren / vnnnd  
anderer glider / haben ein mittelmä-  
sigkeyt zwischen werme vnnnd feuch-  
te. Vnnnd wann sie übel gekocht wer-  
den / lindern sie den bauch mehr dann  
so sie wol gekocht werden.

Von des Salats Com-

plexion vnd Wirkung.

Cap. XLI.

Salas



## Bancket der Hofe

**S**alat geben ein güt geblüt/  
wiewol sie neigen zu einer kal-  
ten vñ feuchten complexion/  
Sie seind nutz den hitzigen vnd Cho-  
lerischen magē / So sie im nachtmal  
genommen werden / bringen sie den  
schlaff vnd laxieren nicht. Besonder  
temperieren sie den bauch / denen so  
vil hitz haben / Kocht seind sie besser  
dann rohe.

## Von Rättich vnd seiner eygenschafft. Cap.

XLII.

**R**ättich samen ist nutz wider  
vergift / vnd tödtet einen scor-  
pion / wenn er auff ihn gelegt  
wirt / vñnd das wasser von Rättich  
hat die eigenschafft vil mehr / Wenn  
einen einn Scorpion gebissen hette  
im tag darinn er gessen hette einen  
rättich / so schadt ihm das gifft nit.

Er bewegt das vñdäwen / ist böß  
zu dem magen / beweget auffstossen /  
gebirt grobe feuchten / Vñnd wann  
die dāwend krafft schwach ist / so  
macht





macht er rohe feuchte/ hat ein durch-  
schneidende vñ subtile Krafft/ Hilfft  
der Däwung nach einer mässigen ein-  
nehmung der speiß / aber wenn er zu-  
gleich mit der speiß genommen wirdt/  
als wir täglich erfahren/ hilfft er ferti-  
gen des bauchsfluß. Wenn



## Bancket der Hofe

Wenn er aber gessen wirt vor an-  
derer speiß / so hebt er die speiß über-  
sich inn den obern theyl des magens/  
vnd bewegt vnd äwung. Die wurzel  
vil gessen ist harter dāwung / schadet  
dem haupt/ vnd den augen. Aber ein  
wenig genomen auff die speiß/ hilfft  
dāwen/machet die speiß absteigen zu  
grund des magens/ dz sie bass verdā-  
wet wirt/auch lindert sie den bauch.

## Von Kreuttern / fruch- ten/ Gemüse oder Kūchenspei- se/ Legumina genant. Cap. XLIII.



Maieron/



**D** Hieron/ Saluey / Saurampffer/ Wegwarten/ Scabiosa/ seind zu allerley zeit vnd inn allen Ländern/ gutt gessen mit essig/ zuuo: zu zeit der Pestilenz. Ochsenzung/ Melissa/ vnd Borrage werden gelobt für kreutter zum herten. Capperen sind nutz im auffgang der speiß / Rättich sind nit böß/ wann sie helfen dawē. Die Linsen brü bereit mit Agresta odder essig / ist löblich/ Welche aber die Linsen essen in irer substanz in viler größe/ vnd lange zeit / fallen bald in ein viertäglich feber/ vnd werden geneygt zu dem aufsatz / wann sie seind Melancolischer complexion.

## Von Kürbsen/ irer complexion vnd Wirkung.

Cap. XLIII.

**D** Er Kürbs ist kalter vñ feuchter Complexion. Die frischen mögenn nützlich gessen werden/ doch so fer: der magē nit schwach ist/





ist / sonder so er hat genügsam kresse  
zu dāwen / sonst werden sie leichtlich  
zerstört. Kocht in einer fleyschbrüe /  
sind sie nutz den Colerischen māgen /  
vnnnd scharpffen febern / Wann sie  
milttern den durst / vnd hitz.

Ein durrer Kürbs / lange zeit inn  
öl behalten gebrent / vnnnd mit dem  
safft der mit dem brennen herauß ge  
nöt wirdt / die schmerzlichen ort ge  
salbt / nimpt hin alle schmerzē / es sei  
von den Frantzosen / läme / oder flüs  
sen /



vnd Edelleut.

XLI

sen/ wie alt sie seind / Das hab ich er-  
faren.

Don Cucumeren / vnd  
Peponen/ oder Citrullen/  
Cap. XLV.



**E**s saget Auicenna / daß die  
Kürbs/ Cucumeres vñ pepo-  
nes gnant/ geben ein wässe-  
rig geblüt. Derhalben sol sie nie-  
mandt brauchen/ dan zu Sommers  
zeitten/ sind kalt vnd feucht/ grob vñ  
hart zu dāwen/ steigen langsam von  
dem magen/ vnd seind ihm schedlich/  
Sie verlegen sein geäder/ wann so sie

§



## Bandet der Hofe

im magen finden speiß / so behalten  
sie mit irer kelte die selben rohe / vnd  
lassen die nicht verzert werden. Aber  
die grünen öpffel / Citruli genant/  
seind kelter / gröber / herter vñ schwe-  
rer dann die Cucumeres / geben gro-  
be schleime / seind gröber vñ überflüß-  
siger feuchten.

## Vonn Melonen / ihrem nutz vñnd schaden. Cap. XLVI.

**M**elonē seind den mehrer teyl  
rot farb / etlich vnder ihnen  
weiß / welche seind gutes ge-  
schmackes vñnd geruchs / mögen or-  
sicht gereicht werden denen die ein-  
hitz im magen oder anderen orten / zu  
Sommerlicher oder heysser zeit / ha-  
bē. Seind auch denē bequē die das fe-  
ber haben. Solche Melonen mö-  
gen gessen werden im anfang des es-  
sens / nach dem eins jeglichen magen  
mit





mit seiner wärme/ vil oder wenig ver  
däuen mag. Doch sol in keinerley  
weg darauff getruncken werden. Me  
lonen die wir gemeynlich brauchen/  
seind geneeygt zu zerstörung/ werden  
verkert in die feuchten/ welche sie am  
magen finden/ sie seien Glegmatisch  
odder Cholerisch / Derhalben scha  
den sie dem magenn / Laxirenn

S ij



## Bancket der Hofe

das gedärm/vnd machens schlüpff-  
rig. Vnnd wenn sie finden im magen  
ein speiß/von wegen ihrer schlüpff-  
rigkeit/treiben sie die auß vor irer vol-  
kommen verdawung/ So volgt daß  
sie verkeret werden inn böse feuchten/  
davon erfolget grosser schaden / ver-  
ursachen auffbläen/windigkeyt/vn-  
däwen/vnnd vnwillen / Vnd damit  
solche schedliche feuchten nit darauff  
folgen/ soll darnach getruncken wer-  
den ein lautter wein / zuuor die Sleg-  
matici/vñ eines schwachen magens/  
Wdder sol genommen werden et was  
eingemachts das hizig sei/ als Ing-  
ber/oder dergleichē. Melonen samen  
hat vil güter eygenschafft / fertiget  
den harn/ treibt den sand vnnd steyn  
auff den nieren vnd blasen.

**Wonn Zwibeln/ Knob-**  
lauch/ Aschlauch/ vñ dergleich-  
en/welche seind der Bau-  
ren Tiriac. Cap.

XLVII.

**Zwibel** ist hizig im vierdten grad/  
vnnd





vnd feucht im dritten / Auch ist hi-  
 zig im dritten grad / trucken im an-  
 dern. Der Knoblauch ist kleiner na-  
 rung / vnd fast schädlich den Cholerti-  
 cis / auch den kalten vnnnd feuchten /  
 er treibt den harn / vnnnd macht von  
 natur einen weychen bauch. Aber  
 das widerspil wirckt er in dem truck-  
 nen mensche. Gebratē sol er fast nutz  
 sein / zuvor so einen ein wütiger hund  
 gebissen hat / vil mehr so einn wenig  
 daruff getrunckē wirt / Wan also ges-  
 sen / ist er güt für das schlangē giffte /  
 vnd für kalte wetagen / als der groß  
 Triac / vnnnd bringt nit durst als die  
 Zwibeln. Derhalben spricht Gale-  
 nus / daß der Knoblauch sei ein Tri-

S iij



## Tranket der Hofe

ac der bawren / zwibel rohe gessen/  
gebenen böse feuchten im magen / mit  
samt dem durst / engündung / win-  
digkeyt vnd hauptwe. Vnd wen sie  
vil rohe gessen werden / machē sie den  
menschen thörllich / von wegen ihrer  
dämpff / die auffsteigē in das haupt /  
gebenen sie grausame träum / zu vor  
bei denen die von frantcheyten auff-  
stehen. Aber gekocht ein wenig ges-  
sen zertheylen sie / vnnnd machen sub-  
til die groben vnd schleimigen feuch-  
ten / treiben den harn vnnnd ~~farwen~~  
frantcheyt / auch mehrē sie die be-  
girdē. Auicenna wil / daß der zwibel  
gekocht oder gebraten vnd mit essig  
verzere die vergifften feuchten.

Dioscorides sagt / wen zwey schelf  
von zwibel inn einn weissen wein ge-  
legt werdē ein ganze nacht eins hey-  
tern luffts / derselbig wein gesihen /  
vnd drei oder vier morgen auff zwey  
vngz getruncken / treibt auß den harn  
vnd sand / zerbricht den steyn / welch-  
es ich selbs gesehehn vnnnd erfahren  
hab.

Wenn



Wenn einer ein vngesundt wasser  
erüncke/so er zuvor einn Knoblauch  
gessen hette/so schadt im das wasser  
nit. Knoblauch ist nutz denen die vil-  
erley selzame/ böse/dicke/trübe/ vnd  
zerstörte wasser trincken / wann er  
macht sie vnschedlich.

Ein pflaster gemacht/ auß feigen  
blettern/vnd Knoblauch/ ist güt wi-  
der giffelge biß / Knoblauch ist nutz  
zü hūsten/macht leichtlich außwerf-  
fen/schadt dem gesicht/ machet wee-  
tagē des haupts / Ist hüfflich denen  
die vil zehe vnnnd schleimige feuchten  
haben/mässig gessen/gebraten / oder  
getocht/wann rohe ist er schedlich.

## Vō Milch/ Käß/ But-

ter/ vnnnd dergleichen/wie sie ge-  
braucht sollen werden. Cap.

### XLVIII.

Milch/ vnnnd Käß/seind nicht be-  
queme speiß/dann wenig genō-  
men im anfang des essens/vñ daruff  
nit getruncken. Vnnnd es schreiben

I iiii



## Bancket der Hofe



etliche Doctores/dz in dē ganzē mal/  
darin milch speiß gessen wirt/sol kein  
wein getrunckē werden / wann sie zer-  
störet wirt vnnnd gebirt ein feulang.

Der Buttern vnnn wegen seiner  
feyste / lindert vnnnd machet weych  
den bauch / feuchtet den leib / bewaget  
den bauchfluß / doch in einem gesun-  
den leib / vnnnd nicht bei den die das fe-  
ber haben / wann bei den selben wirt  
er leichtlich entzündet von wegen sei-  
ner feyste / vnnnd mehret die hitz / Ist  
mit nichten zuessen wie einn speiß/  
wann so er zuuul gnomēn wirt / macht  
er die speiß schwimmen im magen / lin-  
dert dē bauch über die maß / vursacht  
das vndärwen / Vñ sol nit gessen wer-  
den



den dann im anfang des essens / vnd ein wenig.

Welcher sich vil gebraucht des milchraumes / als Rasis saget / der überkompt leichtlich den steyn in den nieren. Das käßwasser treibt auß die feuchte / Choleram rubeam / Ist nutz der reudigkeit vnd andern blattern / den roten flecken des angesichts / der geelsucht / vnnnd welchen etwan einn schaden züsteht vonn überflüssigem weintrincken.

Der new käß ist kalt / vnnnd mehret das fleysch / der alt / so er wenig genömen wirt zulezt des essens / stercket den mund des magens / vnnnd machet ein besser dāwung. Aber welcher mittel vnder den zweyen hat / nit zu alt / noch zu new / wann er gesalzen ist / vñ vonn guter milch / der ist güt / alleyn daß er karglich genommen werde.

**Vonn Psifferlingenn /**

Erdschwammen / wie sie sollen  
gessen werden. Cap.

XLIX.

S v



## Bancket der Hofe



**D**ie Pfifferling sind kalt vnd  
feucht im andern grad / vnd  
seind zweyerley / tödtlich / vñ  
nicht tödtlich / auch vnderchiedlich  
nach der qualitet der erde / darinn sie  
wachsen. Vnd daher kompt / daß die  
alten Doctores souil böß von ihnen  
geschriben haben / Wann in den lan-  
den darinn sie von ihnen geschriben  
haben / seind sie vergiffter dann in vn-  
sern orten / Als inn Hispania seind sie  
ein gebreuchliche speiß / vñnd in dem  
gantzen Welschland / verbringē doch  
nicht solche schaden / die daruon ge-  
schriben werden / wiewol sie fast scha-  
den / so sie vil gebraucht werdē / wann  
es seind dergleichen vil ding die man  
isset /



isset/ wiewol sie von ihnen selb böser  
narung seind/ vnnnd machen böse zu-  
fall/ Doch geschicht es nicht in diesem  
grad / wie von den alten beschriben  
ist/ Wan etlich ding schade in einem  
erdtrich mehr/ in einem andern min-  
der.

Die Pfifferling die nicht tödtlich  
seind / haben einn grobe windigkeyn  
vnd ein zehe schleimige feuchtigkeit/  
seind ungehorsam der natur vnd der  
däwung/ bewegē das vndäwen/ vnd  
onmechtigkeyt / geberen Colicam.  
Welche aber kün seind darvon zues-  
sen/ vnnnd fürchten ihren schaden nit/  
die sollen sie kochen odder rösten mit  
Kornwüngen / welches ist einn brust  
kraut/ oder mit Knoblauch / so wirt  
es nicht böß / oder mit Biren / wann  
die Biren sein Tiriackes der pfif-  
ferling / Vnnnd wenn sie gekocht  
werden / sollen sie von dem ersten  
wasser außgetrucket vnd in einem  
andern frischen wasser gekocht/ vnd  
mit Biren/ pfeffer/ kümich/ Ingber/  
Knoblauch/



### Vancket der Hofe:

Knoblauch/ Kormünzē/ oder Wol-  
gemüt/ gessen werden/ Wan der mas-  
sen werden sie gessen on schadē/ Dar-  
nach sol mann dar auff trincken einn  
lautern alten wein. Es wirt auch ge-  
schriben/ daß der Rättich gleich als  
wol als die biren sei ein Tiriackes der  
Pffifferling. Das sei gesagt vonn den  
Pffifferlingen/ die nicht tödtlich sind.  
Aber die tödtlichen sind mancherlei/  
Ealt vnd feucht/ tödten bald/ von we-  
gen irer überflüssigē zehe oder schlei-  
migkeyt/ welche verstopfft die adern  
vnd dampfflöcher/ darumb daß die  
feuchten die von ihnen geboren wer-  
den/ sind ungehorsam der verzerung/  
als die an faulen orten / oder bei ver-  
giftten kriechenden thiern / vnd der-  
gleichen wachsen.

Wann einer vnwissend ongefehr  
von disen tödelichen oder vntödtlich  
en pffifferling esse / welche von natur  
vergiftt seind / damit sie nit schaden/  
so sol er dar auff essen birē oder knob-  
lauch/ gebraten oder gekocht/ Des-  
gleichen ist auch der Rättich güt/

Als



Als Galenus vñ Auicenna beschreiben/ Vnnd sol sich einer befeissen dz er sie widder oben herauß stosse / mit einnemang saltz vnd essig.

## Von Süßholz natur/ vnnnd nutzbarkeit.

### Cap.L.

**N**ach dem an vil ortē/ zuuor an vnserm Keyserlichen hoffgebrauch ist / daß vil mächtige vnnnd andere inn gebrauch haben zurincken Süßholz wasser / So wil ich allhie anzeygē was von dē Auic-  
dauon geleret wirt. Die wurzel des süßen holz ist von natur temperirt/ lendet zu werme vnnnd feuchte / sein safft ist nutz den Apostemen vñ dem wurm am finger / deßgleichen auch sein wurzel / Dazu ist der safft güt zu den wunden / die wurzel ist nützlich dē fall der augē/ wiewol der safft ist stercker / lindert vnd reynigt das lungen rot/ ist nutz der lungen/ vnnnd der Kälten/ machet ein klare stimm/ leschet den durst/ von wegen seiner feuchtig  
keit/



Bancket der Hofe





vnd Zbellene.

XLVIII

Keyt/ dergleichen ist es nutz der entzündung des magens/ der hitzigkeyt oder brennen des harns/ zungschwüren der nieren/ vnd blasen/ mit sampt ihrer reudigkeyt / darzu dienet es zu den alten febern / als Aulcenna sagt.

**Ordnung sich zuhalten**  
durch frembde Land mit gesuntheit zu wandern/ Somers oder winters zeit. Cap. LI.



Alle



## Banket der Hofe

**A**lle die wandern müssen durch  
mancherley Land / sollen vor  
allen dingen den leib reynigen/  
mit purgazen/vñ aderlassung/sonst  
gibts auff dem weg feber/Apostem/  
rauden/vñnd dergleichen / Aber den  
starcken vñnd denen die offne schweiß  
löcher haben / durch welche sie auß-  
treiben solche schäden / die kommen  
auß dem wandern / empfahen nit so  
bald schaden. Auch einer so gewonet  
hat solcher arbeyt / Wann Galenus  
sagt/ das speiß oder tranck / starcker  
arbeit oder ander ding die im brauch  
sind/ob sie schon schedlich seind an i-  
nen selbs/ so schadē sie doch nit denē/  
die sie im brauch haben / als andern.  
Also ist die gewonheyt einem jeglich  
en ein andere natur / Als wir durch  
erfarung sehen inn disenn orten des  
Teutschen lands von dem bad / Daß  
jr vil über die maß darinn schwitzen/  
vñnd also schwitzend bloß herauß an  
den lufft gehn/ Vñnd als bald sie ge-  
badet haben/essen vñnd trincken sie/  
Weder als bald sie zu morgen gessen  
haben/



haben/gehn sie in das bad/vñ thünd  
auch sonst vil vnbillliche übertret-  
tung/welche so sie geschehen von vn-  
gewonten/ fielen die in groſſe gefehr-  
licheyt/ Vnd schadet disen nicht.

Derhalben ist zu mercken/daß sich  
vor ferren reysen/ein mensch vor pur-  
giere/scherpffe/vnd zu aderlasse/wel-  
cher darzu gewent ist. Vnd die arz-  
nei damit ein wanderender sich pur-  
gieren wil/sollen sein/ als Casia fistu-  
la/Agaricus/Manna/Reubarbara/  
vñ dergleichē/vñ nicht laxierend/als  
Scamonea/Coloquintida ꝛc. Welch  
hin vnd wider bewegen die feuchtē/  
schaden dem hertzen/ vñ andern  
hauptgliedern / schwächen den magē/  
vnd begird zu essen.

Deßgleichen soll auch ein wegfer-  
tiger immer ein wenig vnderlassen  
sein gwonheyt die er gehabt/ vñ sich  
anfahen zu gewenen der gwonheyt  
die er auff dem weg brauchen muß.  
Wan welcher vormals vor tags nie  
ist auffgestanden / So er wandert/  
muß er offft darvor auffstehen/zuvor



## Vancet der Hofe

Sommers zeiten/muß einer offft von  
wegē grosser hitz/bei der nacht wan-  
dern/vnd bei tag schlaffen.

Deßgleichen muß auch einn ver-  
wechslung geschehen/ in speiß vnnnd  
crancē/ vnd zwischen den stunden zu  
essen. Wann so einer kompt an einn  
herberg/sol er allweg vor ein weil rü-  
wen ehe er isset. Deßgleichen sol ein  
jeglicher vermeiden von stund an vff  
die ersettigung des magens zuwan-  
deren/wo es anders geschehen kan / wann  
daron möchten vil schaden verur-  
sacht werden/als zerstörung inn den  
feuchten. Darumb sol einer bleiben/  
biß die hitz der Sonnen nachlaßt/  
welche dan verbrennt das geblüt vñ  
ander feuchten/ Darauff hernach sol  
gen viertägliche feber / vnnnd andere  
krancckheiten von wegen der verbren-  
nung der feuchten.

Vnd ob einer ein müde empfände/  
sol er rüw habē/ als Hippoc. spricht/  
wenn sich einer müd empfindt vonn  
wegen überflüssiger arbeyt/ vnnnd lo-  
bet zu sampt der rüw das bad. Wel-  
che



che aber das bad nicht im brauch haben/ den ist nutz das sie einn zeit lang fasten / vnnnd nach purgierung des bauchs alleyn / die waden mit gesotten kreuttern baden/ Sollen sich gebranchen speiß gütter narung vnnnd leichter dāwung / dergleichenn den bauch lind behalten / bei welchen er verstopffte ist. Wan die wanderung stillt den bauch/ den mehrer theyl.

Sie sollen trinckē die besten wein/ sich enthalten vor vil fruchten vnnnd kreuttern / wann sie blāen auff den bauch/ sind kleiner narung / werden zerstört auß schwerer bewegung der wanderung/ vnnnd verursachen rohe feuchten / Es hab denn einer grosse hitz/ oder es sei zu Sommerszeiten.

Vnnnd ob einer bei der nacht wandern wolte / so soll er darvor etliche stund nach dem nachtessen vergehen lassen/ odder sol nicht zu nachtessen/ biß er an ein stat kompt / da er anfañhet zu rüwen / Sol meiden speiß die vnlustig machen / wan der vnlust ist allenn menschen schedlich/ zuuor den wanderenden.



## Vancet der Hofe

Ob einen fast dürstet von wegen grosser hitz/ sol er sich gebrauchen etlicher ding/ die den durst leschen/ als weins/oder effigs/fast gewässert/ oder einn wenig eines fast kalten wassers/oder sawrer Granatöpffel/oder frischer Kreuter/als Salat mit effig. Rasis spricht/ Wenn einer einn Crystallen oder silber inn dem mund behelt/helff den durst leschen / Darzu hilfft auch wenig vnnnd heymlich reden / desgleichen einnemen dūr vnd sawer Biren/ die stein von gedörten Eriechen/vnd rosen Juleb/oder Viol Juleb/ in einem kaltē wasser/ helffen den durst leschen.

Wann aber die zeit zu wandern kalt ist/sol sich einer mit kleidern vor kelte bewaren/vnnnd bei jm haben etliche conserva od warme eingemachte ding/ als vonn Ingber / Muscatblū/Cassia/ zimmetrinden. Auch etliche confection / als Diaciminum/ Aromaticum Rosatum/ Diambra/ vnd andere dergleichen eingemachte species.

Wie



vnd Edelent.

LI

**Wie mann sich sol regi-**  
**ren auff dem Meer / zu vermei-**  
**den desselbigen gefährli-**  
**cheit. Cap. L II.**



**S**pricht Galenus / Welchen  
das Meer schadet / sollen dise  
regel behalten / daß sie etliche  
tag ehe sie auff das Meer sitzen / min-  
der essen / dann sie darvor gewonet  
**G liij**



## Bancket der Hofe

haben / auch die speiß die den magen  
stercken / vnd gebraten speiß seind in  
nützer dan die gesotten. Empfinden  
sie aber ein erfüllung / so ist ihn nütz  
daß sie sich darnor ein wenig purgie-  
ren. Rasis sagt / es set ihn nütze ehe sie  
auff das Meer sitzen / daß sie riechen  
das wasser vom Meer / vnd darvon  
ein wenig thun in speiß vnd tranck /  
darmit sein der magen gewon. Vnd  
so einr vff dem Meer vnd äwet / wann  
es nit überflüssig geschicht / so ist bes-  
ser er geduld es / dan daß ers mit arg-  
nei vertreibe / dann es ist gesund. Es  
sol einn jeglicher wol angelegt sein /  
sein haupt wol zudecken / mit sampt  
dem magē vñ füßen / zumor die haupt  
flüss. genn / vnd schwer äthemigen /  
Wann solchen schadet die Kette vnd  
feuchte des Meers / auß welchen vil  
schnupffige Kranckheeyen volgen.  
Wann die hauptflüssigkeyt ist einn  
müetter aller Kranckheyt / als Aui-  
cenna sagt. Wann so sie fleußt auff ein  
übelgeschickte brust / volget darvon  
das Reichē oder schweräthmen / nach  
seiner



seiner vrsach die es finde/ oder andere  
zufäll/ die kommen auß solchen flüs-  
sen. Wenn aber solcher fluß herab  
steiget auff ein seitten/hüfft/ oder an  
derstwohin / verursacht er ein anfa-  
hung viler krankheyten / nach dem  
dort ist/bahin er fließt/zumoz wenn  
er in einem solchen glied findet ein ur-  
sach eines bösen / Derhalben sollen  
solche hauptflüss wol verware sein  
zuwenden/das solche flüss mit herab  
sitzen auff die brust/ vnnnd andere gli-  
der / als mit zudeckung des hauptes  
vñ brust/ gebrauchung etlicher grob  
machender Siropen/ als vonn olma-  
gen/ coriander genutzt/ mit nießung  
gebratener ding/ süßes altes weins/  
etlicher Electuarien / als Diapapa-  
uer vnd dergleichen/ gebrauchen gur-  
gelwasser von Oximel / oder von ge-  
sotten Wolgemüt vnnnd Feigen. Des  
gleichen ist auch nutz Diamorion/Si-  
rop vonn Coriander / Kornmü-  
nigwasser mit honig / Wolgemüt pul-  
uer / Zuckercandi / frischer But-  
ter vonn einer Rñ / mit Zucker/

G itij



### Bancket der Hofe

süß vnd frisch mandelöl mit Zucker/  
vnd ander mehr/als Loh sanum et  
expertum.

Auch sollen die fast vnd äwen vff  
dem Meer / stets bei ihn haben gute  
kreutter/als Wermüt/münzen/ma-  
stix/Saffran/corallen/puluer vonn  
Aromatico Rosato / Diaciminum/  
oder Diambra / nach schwache oder  
felte des magens/od ein wenig wer-  
mütwasser getruncken mit disen cō-  
fectionen/oder sonst ein gute rotfar-  
ben oder weissen wein. Auch haben  
die puluer von hennen mägen mit ei-  
nem alten wein eingenommen/einn  
wunderbarliche eygenschafft zuster-  
cken den magen.

Dergleichen sagt Rasis/dz zu dem  
vnd äwen nutz sei/Rob de fructibus/  
eingemacht kütten/Componiert mit  
andern dingen/odder einig / auch ein  
confect von coriander der preparirt  
ist.

Es sol ein jeglicher mit im füren  
die artznei die er in seinen landen ge-  
braucht hat / vnd die ersten tag min-  
der



der essen/dañ er auff dem land gessen  
hat / doch darnach immer ein wenig  
mehr. Darzu sol einer etliche tag nie  
inn das Meer sehen / aber das wasser  
riechen schadet nit. Wo aber etliche  
andere krankheitten hernach volgē/  
sol allweg nach dē gesatz der artzney/  
wie die zufall vñ qualitet der krank-  
heitt seind / gehandelt werden.

## Kurtz vnd nützlich Re- giment / zu Preserviren / vñ hey- len in Pestilenzischer zeit.

Cap. LIII.

**V**erhüten vor diser forchtsamē  
plag der Pestilenz / seind etliche re-  
geln fürnemlich warzunehmen.


Die erste regel ist / als gemeynlich  
gesprochē wirt : Gleich weit vñ bald /  
Kom spat herwider / Erwel ein stat  
die vorlangest verletz gewesen / vnd  
jetz gesund ist.

Die ander ist / Man sol / so vil mög-  
lich / fliehen den lufft / Welcher aber  
dazu genöt wirdt / der sol außgehn  
zwo stund nach tage / vnd nach nit.

G v



## Bancket der Hofe



tag / aber vmb den mittag zimmet  
sich nit heraus zu wandlen. Wann  
dise lufft sol groß in acht gehalten  
werden/ Dieweil ein jeglicher lufft be-  
weget vnd verändert vnser leib/ vnd  
berürt das hertz.

Die dritt Regel ist / Zu der zeit der  
pestilenz sollen feucht stät vnd stin-  
ckende ort vermitten werden/ güter  
geruch gemehret/ vnd alle überflüs-  
sigkeyt



figkeyt geseubert vnnnd außgetruck-  
net.

Die vierdt ist / Der lufft darin die  
Menschen wonen / sol gelendet wer-  
den zu kelte/vnnnd ein wenig zu feuch-  
te/ wann so die feuchtigkeit überhänd  
nimpt/ schafft sie ein feulung / Als  
Aristoteles sagt/ Darumb sollen die  
Kammern vnd wonungen besprenge  
werden mit essig vnnnd rosen wasser/  
odder mit einem gemeynen wasser/  
das vermische sei mit ein wenig von  
Bolo Armeno / vnnnd inn die höhe  
gegossen/ darmit der lufft verändert  
werde. Vnnnd gegen nacht sol ge-  
macht werden einn rauch/ mit Sto-  
race / Laudano / Rosen/ Campher/  
vnnnd Sandalen/ welche widerstehn  
der feulung / Darzu dienen auch  
fast weinrebenletter. Vnnnd die  
hende waschen mit essig vnnnd Ro-  
senwasser / hilfft wol. Desglei-  
chenn thünd auch die Veiol / Nira-  
ten / Granatöpfel / alle mit ein-  
ander / odder jegkliches besonder  
gesotten / vnnnd die hende mit  
gewaschen/



## Bancket der Hofe

gewaschen / obder das hauß damit besprenget. Auicenna wil / daß ander wolriechende ding mit disen kalten vermische sollen werden / darmit der geruch lang were. Vñ das vermische werden zusamē Weirach / Storax / holz vñ aloes / Sadel / Campher / dar auß mann sol machen einen rauch von siedüg zu waschen vñ sprenzen / wo mann sein bedarff / allweg mit einem wenig essig.

Die fünfft Regel. Die fenster seind zu öffnen ein stund nach der Sonnē auffgang / gegen dem wind von auffgang wehend / vñ nicht gegen dem wind von nidergang. Vñ vmb den mittag / zu Sommers zeitten gegen mitternacht werz.

## Von Complexion jeder stunden des tags vñ nacht.

**V**n wil ich weiter Regel beschreiben / darauß das nachfolgend abzunemē / doch vor anzeygē / wie sich die feuchten im tag außtheylen.



austheylen. Derhalben ist zu merckē/  
daß ein natürlicher tag wirt geteylt  
In vier theyl/ vnd in ein jeglichen di-  
ser teylē regieret ein besondere feuch-  
te/ Als vonn der dritten stund nach  
mitternacht biß zu der neunnden/  
schlecht für das blüt. Darnach vonn  
der neunnden biß zu der dritten stund/  
nimpt überhand Cholera. Vñ diser  
stund biß auff die neunnde im an-  
fang der nacht / regiert Melancolia.  
Vonn diser stund biß auff die dritte  
nach mitternacht/nimpt zu Slegma/  
Der massen hat ein jegliche feuchtig-  
keyt sechs stund. Vnd das ist nutz zu  
wissen mit sampt andern zeichen/da  
mit ein jeglicher verstande/was für  
einn feuchte regiert hat zu der zeit/  
da jm weh ist worden.

Die erst Regel / Es sol eines jeden  
menschen complexon wol betracht  
werden/ wann so sie ein gleichförmig-  
keyt hat mit der vrsach der pestilēz/  
so wirdt solche complexio leichtlich  
alteriert. Wann in den dingen/da ein  
gleichförmigkeit ist/ geschicht lider-  
lich



## Bandet der Hofe

lich eingang oder annemung/ Ist sol  
che Complexion der vrsach wider/ so  
wirdt sie behalten oder errettet / als  
Galenus sagt.

Die ander Regel. Aristot. sagt/ dz  
mann zu keynem soli gehen der mit  
der plag verlegt ist/ Auch Auicenna  
spricht/ die gemeynschafft odder bei-  
wohnung der scharen viler leut / zu-  
vor die vnordenlich leben / ist zu ver-  
meiden.

Die dritt Regel. Mann sol vermei-  
de alle sache die schwache die krafft /  
als vnkerscheyt/ grosse arbeyt/ vnn-  
d Übung.

Die vierdt Regel. Auic. spricht/  
das die Imagination vnd einbildung  
in natürlichen sachen schafft das sol  
che eingebildete sache geschehe. Der-  
halben sol niemandt sein gedanken  
fast hefftē in dise krankheyt / sonder  
sich wol gehalten / einn güt getrost  
hertz setzen zu Gott / vnd gnad bege-  
ren.

Die fünfft Regel. Mann sol sich  
hüten vor vnreynen vnd stinckenden  
orten/



orten / vnd vor den winden die Kommen von faulen Ketten.

Die sechst Regel. Niemandt sol sich vnderstehen zu diser zeit offen schaden/das Podagra/oder den fluß der gulden Adern zuheylen / wann die überflüssigkeit werden fast resoluten in dise krankheyten/vnnd bleibt der leib nit also bereyt zu andern feulungen/als Auicenna sagt / Es were dann daß in einem solchen fall oder krankheyten die krafft fast zerstöret würde.

Die sibend Regel. Mann sol eben acht habenn / ob die Pestilenz schon angehebt hab/oder eben anheben werde. Wann zu einem füget sich eines/zu dem andern ein anders.


Die acht Regel. Ein widerwertig Regiment sol geben werden wider die vrsach der Pestilenz / Als Galenus sagt/ Vnd das nit allein in essen vnd trinckenn / sonder auch mit argnei. Mann sol sich sonderlich gebrauchē argnei / die das hertz stercken /  
von



## Vancket der Hofe

von inwendig vñ außwendig. Wan  
die behütig vor der Pestilenz stehet  
inn zweyen sachen. Die erst ist die  
krafft stercken mit hergsterckenden  
dingen. Die ander ist zubegegnen  
der vrsach / dauon die Pestilenz sich  
erhebt / wie hernach gemeldet wirdt.

## Von Steynen / Kreut- tern / vñnd Arzneyen / vor pesti- lenz nutz vñnd dienlich. Cap. LIII.



**A**lbertus Magnus sagt / wenn  
einer bei jm treget der edlen stey-  
nen einen odder mehr / als Car-  
buncel / Jacinct / Rubin / Saphir /  
eingefaßt inn einem gulden ring / ist  
nutz für die Pestilenz. Etliche wer-  
den auch purgiert / Etliche lassen zu  
ader /



aber/ etliche fertigen die überflüssig-  
keyt des leibes durch den brunnen /  
nach dem ein jeglicher ein gebrauch  
hat.

Es beduncket mich nutz sein daß  
mann frölich sei/ den zorn vnd trau-  
ren vermeide / Wann sie verzern die  
kresset gar fast. Dergleichen sol mann  
sich auch enthalten vō vnkeuscheyt/  
vnd anderen sachen/ daruō die kresset  
gemindert wirt.

Etliche sagen/ wenn einer dürre Co-  
riander alle morgen einnem/ so set es  
fast güt wider die Pestilentz/ Desglei-  
chen thund auch dürre feigē mit nüs-  
sen/ vnd ein wenig Rautten/ vermi-  
schet vnd gebraucht/ zuuor so es kin-  
dern geben wirt / wann es ist güt vñ  
offt erfahren.

Auch ein steyn/ den ein schlang A-  
spis genant / im haupt treget/ ist ü-  
ber die maß nütze zu der Pestilentz/  
Desgleichen ein Latwerg / genant  
Gloria inestimabilis, welches Ari-  
stoteles König Alexandro componi-  
ert hat. Vnd ob es schon mit gros-

S



## Bancket der Hofe

sem kostē zubereyt wirt / so ist es doch  
fast grosse nutzbarkeye. Auch ist die  
Latwerg Dianthos fast güt wider  
alle giffte / Als Nicolans sagt. Vnder  
diesen dingen ist auch güt hin vnd wi-  
der zutragen vnd zurlechen vō We-  
cholter wurg / oder ander dergleich-  
en ꝛc.

## Vonn gūten nützlichen pilulen. Cap. LV.

**E**s seind nit bessere artznei er-  
funden worden dann die pi-  
lulen / genant gemeyne pilu-  
len / on sorg. Wan Almanfor spricht /  
daß niemant der die pilulen zwey  
oder dreimal in der wochen / gebrau-  
chet hat / sondlich im anfang so einer  
verlegt wirt / von diser plag der Pe-  
stilentz angsucht sei worden / Sollen  
eingnommen werden mit wein oder  
mit Sirupo acetoso. Aber die Chole-  
rici sollen den Aloen mit Rosen / En-  
diuien / oder Sawerampffer wasser  
waschen / vnd sollen dise pilulen also  
gemacht werden mit einem teyl Saf-  
ran



ran vnd Mirthen/ vnd zwey teyle Aloes/ vermischet mit Sirupo acetoso.

Andere Doctores gebrauchen andere Pilulen/ vnd die zu Sommerzeiten löblich seind / Als vonn Mirthen/ Saffran/ Bolo armeno/ Gagate/ von Corallen/ von einem jeglichem .j. quint/ von Mirabolanis emblicis zwey quintlin / vonn gewaschen Aloe souil als vonn den andern stücken allen zusammen gemachte Pilulē weiß mit Sirupo acetoso / oder mit weißem wein.

Item der Bolus Armenus eingenommen mit granatöpffel wein / ist gut wider die Pestilenz/ An welcher stat ist nütz zunemen die latwerg vñ Bolo Armeno mit essig vnd wasser. Es würdt auch gelobt einn confect vñ Corallen/ auch Triasandali/ Rosenzucker/ Sirupus von Cicorea simplex/ oder Compositus / vnd Sirupus de Acetositate citri.

**Vom Liriac vñ Aetridat/** zubrauchen. Cap. LVI.

h ij



## Bancket der Hofe

**V**icenna spricht / daß der Tir-  
ackes eingenommen alle woch  
en einer bonen groß mit safft  
der Granatöpffel / ist nutz wider alle  
giffe / doch daß darauff inn drei oder  
vier stunden nichts gessen werd. Des  
gleichen sagt er vonn dem mitridat /  
terra sigillata / vnnnd bolo armeno /  
welches seind arznel wider dz giffe /  
darauf mancherley componirt mag  
werden.

## Ein Alpffel zumachen

wider die pestilenz.

Cap. LVII.



Uimm



**N**imm Laudani depurati/ j.  
 quint / der dürren schelfe von  
 Citrin öpffel/ij. quint / Cara-  
 be/vnnd andere die jm gleich seind/ei-  
 nes jegliche anderhalb oder ij. quint/  
 Vnd wil in einer wolriechender ha-  
 ben / so nimm Ligni Aloes / Stora-  
 cis calamite / pulueris Diamargari-  
 tonis frigidi/Sandali/eines jeglich-  
 en j. quint/ roter rosen/melissen/Och-  
 senzungen / Feigen blüt/jegliches ij.  
 quint. Auß disen allen oder etlichen  
 mach ein apffel mit rosen / sawram-  
 pffer / odder Ochsenzungen wasser.  
 Etliche thünd darzü zermalenn Ja-  
 cinck/vnd die Latwerg Dianthos/  
 vnd andere edel Carbunckel oder Ru-  
 bin. Sonst seind vil öpffel beschriben  
 durch Rasim/Auicennam/ Gentilē/  
 vnnd Arnoldum de villa noua / die  
 baß riechen den diser. Aber der  
 bedunckt mich nach mei-  
 ner meynung nützer  
 sein.

h ij




Sancket der Hofe

Von Pestilenz Aposte  
men heylung durch schrepffen  
vnnnd Aderlassen. Cap.  
LVIII.

**E**s spricht Apocrates vnnnd  
Galenus/dass inn diser Kranck  
heyt soll von stund an gesche-  
hen purgierung des leibs/ vnnangese-  
hen der erwartung volkommer daro-  
ung / von wegen der vergifften vnd  
Pestilenzischen materi. Es ist doch  
besser darvor warzunemenn ob das  
blüt feberisch odder verlegt sei mit  
einem Apostem / wann als dann sol  
von stund an einn gemeyn Cristier  
genommen werden / Darnach gleich  
ein lässe des blüts geschehen/auff ein  
güte vile / wo es die krafft erleiden  
kann/wann inn disem fall sol gesche-  
henn ein außlerung odder reinigung  
von grund auß.

Vñ die Aderläß sol geschehen/auß  
dem theyl da einem das Apostem  
ist







## Bancket der Hofe

ist/ als in obgesetzter figur fürgemal-  
let/ Als wenn einem ein Apostem vff  
schuß hinder den oren oder an der käl-  
lenn / so sol die laß geschehen inn der  
hauptader des selbigen teyls/ also in  
einem andern theyl des leibes/ wann  
so ein Apostem were vnder den nuch-  
sen/ so sol gelassen werdē die ader des  
ganzen leibs derselbigen seiten/ oder  
ast davon. Ist aber solche Apostem  
bei den gemechten/ so sol die frawen-  
ader der selbigen seitten gelassen wer-  
den / Doch wirt das allweg zūgelas-  
sen dem verstand eines Arzters/ wann  
in disen aderlassen ist wol zubetrach-  
ten das alter / Complexion/ vnnnd ge-  
schicklicheyt eins jeglichen/ wann vn-  
derweilen zimpt sich schreypffen/ oder  
köpff ansetzen.

Etliche haben für gewiß einzuneh-  
men eines odder zwey köner schwer  
von Sublimato/ welcher macht pur-  
gieren vnden vnd oben/ Also gebrau-  
chens zu Rom vñ Italia/ vñ schafft  
ein gute Wirkung/ wann diser Sub-  
limatus rectificiert ist &c.

Von



# Von schweyß machen /

vnd wie sich darin zuhal-  
ten. Cap. LIX.

**M**an sol sich beflissen als vil  
vñ möglich ist / dz der kranck  
schweize / vñnd die materi her  
auß zogen werd / zu den außwendig-  
en theylen des leibs / wann dises giffet  
vonn natur zu dem hertzen begert.  
Solche schweyß sol man üben / vnd  
treiben nach dem ein jeglicher gewo-  
net hat / als mit der edlen Saluey /  
Saluta imperialis genant / vnd mit  
disem recept / Nimm das holz vñnd  
samen von Balsam / Solium Indi /  
Cinamomum purum / Lignū Cassie /  
Lignum Aloes / Doronicum / macis /  
jeglichs vier quintlin schwer / Ellebo-  
rum nigrum / sechs quintlin / papauere-  
ris nigri / ein jeglichs ij. quintlin. Eu-  
phorbium ein vntz / Crocū vj. quint.  
mach sie zu puluer / vñ mit vñscheum  
ptem Honig / bereyt es in maß einer  
Opiaten / thū es inn einn gläsern ge-  
schir: / das wol zūgedeckt sei / setz es in

z v



## **Sanctet der Hofe**

ein gerstenmel sechs Monat/ Vor dē  
sechs Monaten sol es in keinen weg  
gebraucht werdē/ aber nach diser zeit  
sol es dē Colericis gebē werdē/ in grōß  
se einer Haselnuß mit sawrampffer /  
od Scabiosen wasser/ Vñ dē Slegma  
ticis in grōßse einer bonen/ Aber den  
jungen kindern sol es in keinerley we  
ge gereycht werden/ Ist ein hoch ge  
lobte latweg vnd fast grosser erfar  
rung / wann es recht gebraucht wirt/  
vñd von diser grōßse sol ehe minder  
geben werden / dann mehr/ vnd dar  
auff nichts getrunckē noch gessen in  
nerhalb drei stunden.

Etliche bringen auch den schweiß  
mit geschaben Hirschhorn/ mit Sca  
biosen wasser/ Wegwart wasser/ od  
der Sawerampffer wasser.

Deßgleichen möcht auch Salusa  
imperialis mit Scabiosen wasser ge  
nommen werden.

Etlich nemen Tiriac einer hasel  
nuß groß/ Doch sol ihn das essen da  
rauff verbotten werden bei vi. stun  
den/ oder doch auffß wenigst drei od  
der vier. Etliche



Etliche bringen den schweiß mit/  
secklin vonn gersten an die solen der  
fuß gelegt.

Etliche legen auff den magē Lein  
samen gesotten/ darbei sol allweg ge  
merckt werden/ Wann solche sachen  
zu fast hitzig seind/ daß sie temperirt  
werden mit kelte / vñ wenn das blüt  
nicht schuldig ist in diser krankheit/  
so sol man den leib purgieren mit lin  
den vnd sichern arzneien/ als mit Ca  
sia fistula / Manna / Thamarindis/  
Violen/ gedöte kriechen/ Reubarba  
ro/ Agarico / vñnd etwann mit Cri  
stieren.

Wo aber die krafft starck ist / so  
sol mann gar ein außwurgelnde pur  
gation nemen/ Sonst ist not dz man  
nur einn wenig die materi mindere/  
vñ darneben die krafft stercke/ Wan  
in disen sachen vnd zu Alderlassen ist  
besser/ als Auicenna sagt/ die zal meh  
ren/ dann die größe.

Vñnd wenn einn Pestilenzisch fe  
ber vorhandē ist / on ein Apostem/ so  
sol vorher ein Clister geben werden/  
darnach



## Bancket der Hofe

darnach ein lässe geschehen von der  
Median des gerechten arins/ vnd ist  
ein meynung viler/ daß sie geschehen  
sol vor vier vnd zwenzig stunden/  
mit einer größe die vergleicht odder  
abgeschetzt werde mit der krafft.

Das Regiment in solchen febern on  
ein Apoftem/ sol gleich gehalten wer-  
den/ als in andern fast scharpffen fe-  
bern/ sie müssen auch dergleichen in-  
wendig vnd außwendig verändert  
werden. Dise nachuolgende Sirup  
sind gut zu verdawen die materi vñ  
zu weren die feulung / Als Sirupus  
Acetosus/ Acetositis citri/ Endi-  
uie/ Rosen Sirup/ Viol Sirup/ von  
Wegwarten vnd Oxizaccara/ Vnd  
als Almanfor sagt / so wirt derma-  
ßen ein übertreffenlicher Sirop von  
den zweyen Sandelen/ eines jegliche  
anderhalb quint / Succini iij. quint.  
Das alles sol gesotten werdenn inn  
Sawrampffer vñ Endiuien wasser/  
eines jeglichen viij. vng/ biß der dritt  
theyl eingesotten wirdt/ darnach sol  
es gesihen vnd außgetruckt werden/  
vnd



vnd hinzu gethon Sirupi de Limonibus/ Sirupi de citris/ Sirupi rosei/ eines jeglichen iij. vngz/ Granatopffel wein j. vngz/ sirupi acetosi auch j. vngz/ das alles zusamen thun/ vnnnd ein Sirup darauß gemacht. Es sind auch sonst vil Sirup die darzu gut sind. Mann möchte auch auß disem Sirup einen apffel machen.

## Vonn krafftsterckenden

Latwergen. Cap.

LX.

**N**achvolgende Latwerg ist gut zu stercken die krafft. Nimm von terra sigillata/ vonn beyden Sandalen / als rot vnd weiß/ vō Corallen/ rosen/ spodio/ vō einem jeglichen j. quint/ vonn Perlen j. quint/ vō Jacinctt/ Schmaragd/ Saphir/ hertzbeyn eines hirschen/ von jeglichem j. quint/ von Campher einn halb quintlin/ Darauß mach einn confect mit rosen wasser / vnnnd rosen sirop. Vnd wenn einer den lust zu essen verlore hette/ so thū er hinweg den Campher.

Die



## Bancetder Hofe

Die Trochiscen vō Campher sind  
güt eingenomen / mit acetositate ci-  
tri / essig / rosenwasser / vnd Sawran-  
pffer wasser / alls vnder einander ver-  
mische.

Es wirt auch vil gelobt die Lat-  
werg Dianthos / der Tiriack / vñ Me-  
chridat / als oben gesagt ist.

¶ Ein andere Hertzsterckung.

Nimm Bibinell / Endiuien / Ro-  
sen / Tormentill / Kleyne Walwurz /  
jeglicher j. hand vol / rot Sandel iij.  
quint. Borragē blümen / Ochsenzun-  
gen blümē / Melissen / Sawrampffer  
jegliches ein halbe hand vol. Dise  
stück vermisch vñ seuds in iij. pfund  
Rosenwassers bei einē senfften feur /  
biß der dritt teyle eingesotten ist / dar-  
zu thū fünff vntz von essig der weiß  
ist / Vñnd wenn mann wil mag einer  
darzū thū herbam more / Safran  
vnd Campher / zuuor wen grosse hitz  
vorhanden ist. Inn disen dingen also  
warm netze ein schwamm / truck ihn  
auß / vñnd leg ihn auff das hertz / od-  
der truck dise kreutter auß / vñnd lege  
es



es über / Das solt du thun drei oder vier mal im tag.

## Von überlegunge die der Leber bequem ist.

Cap. LXI.

**E**s sol off die leber gelegt werden diese überlegung / Nimm Rosenwasser j. pfund / herba mora / vnnnd Ochsenzungen / jegliches j. halb pfund / weissen effig ij. vnz / von beiden Sandaln / rot vnd weiß / jegliches ein halb vnz / vonn Corallen ij. vnz / vonn gebranten helffenbeyn / ij. quinten / Campher ein quint / von dem puluer Diamargaritonis frigid / ij. quintlin / Vermische diese stück vnd einäder / laß ein wenig siedē / darnach neße ein tüch / also warm / leg es über die leber / wann die hitz groß ist.

## Vonn Schlaffbringen

vnd Hertzstercungen.

Cap. LXII.

**A**uff dē schlaff sol gelegt werdē ein tüchlin / dz ingweicht sei in rosen wasser /



## Bancket der Hofe

wasser/Campher/Sandel vnd essig/  
das ist nutz zu dem hauptwee / vnnnd  
bringet den schlaff. Inn disem fall  
seind auch andere arzney die dem  
schlaff weren / vnd die hilfflich seind  
den hirnwtigen.

Deßgleichen ist auch nutz/dz man  
die krafft stercke mit vorgemelten si-  
ropen/Latwergen/vnnnd diser Lat-  
wergen/Item rot Sandel iij. quint-  
lin / hertzbeyn vonneinem hirsch/.j.  
quint/Tormentill anderhalb quint/  
Ligni aloes auch so vil / Muscat j.  
quint/mach ein Latwerg mit einem  
pfund sirups von rosen / vñ j. pfund  
weiß zuckers/ oder als vil genüg ist/  
vnd ein wenig altes Tiriac/puluer vñ  
Diarhodon abbatis/on die Muscat  
nuß/wan Diarhodon abbatis on ein  
Muscatnuß ist für sich selb nutz /  
Deßgleichen auch Triasandali / vnd  
Gloria inestimabilis, so Aristoteles  
König Alexādrō gmacht hat/sampt  
andern obbeschribnen.

Es ist auch güt ein recht Regimēt  
in den sechs dingen (gnant Res non  
naturales)



naturales) in welchen die Arzte sollen am fürnemsten haltē d̄z die krefft gesterckt / vnn̄d die böse Complexion verändert werd / mit kühlen vnd zūziehung / Wiewol es da nit sein kan / d̄z mann vil stipticler / allein sol das fürnemst sein / daß die feulung des lufftes gewendet werde.

Hipocrates sagt / Was den gesunden schadet / das schadt den fr̄anckē / wiewol er es inn einer andern meynung geredt hat / so mag es doch zu vil sachen vergleicht vnd verstanden werden. Die fr̄anckē sollen an einem ort wonen das wol rieche / vnn̄d an den apffel riechen der oben gesetzt ist / Oder nemen ein gleßlin oder geschirlin halb vol rosenwasser / mit ein wenig essig / darzū thun puluer von Rosen / Sandel vnd Campher / vnd dises confect gar oft riechen / auch das an gesicht vnd die puls damit hestreichē. Vnn̄d wenn einer disem geschirlin einen lieblichē geschmack wil machē / so sol er darein thun Rosenwasser / Bisem / vnd weissen wein / Vñ zu

J



## Banckee der Hofe

difer zeit ist güt/daß man darein ver-  
mische Campher vnnnd essig/wierwol  
es nimpt ein teyl des geruchs. Auch  
sollen die krancken heymgesucht wer-  
den/ von denen die auch seind kranck  
gewesen mit diser kranckheit/die selbē  
sollen bei inē wonen vñ außwarten/  
wan vō irer gmeinschafft vñ beiwo-  
nūg werdē die kranckē fast gesterckt/  
zuuor: wen ein gūter will vñ lieb zusa-  
men steht / zwischē dem krancken vñ  
denen/die im außwartē. Vñ ob man  
etlich freud vñ seytenspil bei inē hat/  
werdenn sie fast geringert/ wann es  
sterckt jr lebhafter kracfft/ vnd geyst.

## Von speiß vnnnd Regi- ment der kranckheyt.

Cap. LXIII.

**M**An sol sich befließen/ damie  
die krancken stāts etwas es-  
sen/ wann auß abbruch verli-  
ren etliche den lust zu essen / darumb  
spricht Aulcenna / Daß den mehren-  
theyl wider auffstehen die redlich es-  
sen/je wenig ein mal/ wann die kracfft  
bei



bei ihnen ist schwach. Die speiß sollen  
sein guter narung vnnnd leichter dā-  
wung/ im anfang ein brñ von linsen  
mit essig oder Agresta / oder Lactu-  
cken vnnn spargen oder leichte speiß.  
Vnd wenn die krafft schwach ist / so  
sol mann dem kranken geben von ei-  
nem hñlin mit Agresta odder essig/  
nach dem es die zeit erheyscht/ odder  
sonst mit etlichen dingen / die zñ her-  
zen dienen / odder sol ihm zñbereyt  
werden / junge hñner / nach bettelch  
eines Arzts / vnnnd krafft des kran-  
cken.

Gale. sagt/ dz ein schnitten brots  
eingeweycht in ein kalt wasser/ vnnnd  
darnach inn sawren Granatöpffel  
safft/ oder in käßwasser / oder gerstē  
wasser / ist nutz zu außleschung des  
dursts. Aber Rasis spricht/ daß ein  
kalt wasser für sich selb gut sei in di-  
ser sache oder mit sawrem Granatō-  
pffel safft/ odder essig vermischt inn  
rechter maß/ Doch soles also verstā-  
den werden vñ dem wasser/ dz nit an-  
der vrsachē vorhanden sind/ als wenn



## Bancket der Hofe

in den dāwendē glidern etwann ver-  
stopffung seind / als dann ist's zuver-  
meiden. Es ist auch nit böß etlichen  
die schwach seind / zugeben ein weiß-  
sen wein / gwässert mit rosen wasser.

Kan einer zu der zeit schlaffen / da-  
rin er schlaffen gewonet hat / ist güt /  
wo nit / so sol man ihm zürichten die  
schlaffenmachende artzney / Die artz-  
ney des haupts sollē überflüssig sein /  
mit wolric vnden dingen / mit zü-  
thünung ein wenig Sticados oder co-  
riander / grün od truckē / oder ein we-  
nig Münzē / oder Essig. Der bauch  
sol alle tag seinen durchgang haben /  
von natur oder auß kunst ꝛc.

## Von heylungen Pestiz- lengischer Apostemen / mit köst- lichē pflastern darzu. Ca.

LXIII.

**A**ls sol ein gemeyne regel sein  
zuheilen die Apostem / dz es  
in keinerley weg einwertz ge-  
triben / vnd kein kalt ding darauff ge-  
thon werde / sonder vil mehr sollen  
darauff



darauß gelegt werdenn anziehende  
stück/ als seind die ägel/ vnd eines ha-  
nen/ hünlin oder tauben arß beropf-  
fet/ mit einem saltz daruß gesetzt biß  
es stirbt.

Etlich pflegen vorzuschrepffen/  
vnd darnach erst auffzulegē diß pfla-  
ster/ das gemacht wirdt von Rosin-  
lin die gereynigt werdē von iren Ker-  
nen/ saltz/ teygseuren/ öl vonn öpffel  
blüt/ als vil genüg ist zu Incorporie-  
ren. Wenn aber nit geschrepfft wür-  
de/ so thün sie darzü ein wenig pulue-  
rifierts vitriols.

Etliche machen das pflaster wel-  
ches gar wunderbarlich ist/ Sie ne-  
men einn sawer vrhab mit zwey eyer  
dotter/ saltz/ Scabiosen safft/ vnd ein  
wenig gilgē wurtz/ zuuor der wildē.  
Guido sagt auch daß güt sei überzu-  
legen/ feigen/ gekocht zwibel vnd ein-  
gebeyßt mit vrhab vnd butter/ vnnd  
mann sol das Apostem lang offen be-  
halten/ zulezt heylen wie ander A-  
postem/ vnd in keinen weg mit kaltē  
dingen einwertz treiben/ sonder all-



## Bancket der Hofe

weg herauß ziehen. Vnd nach dem  
die Apoftem feind mancherlei/ sollen  
auch mancherley artzney. übergelegt  
werden/ nach verstand eines güten  
wundartzts / Wann etliche thun es  
auff im anfang mit feuer / in welcher  
warlich eben auffzumercken ist/ von  
wegen des schmerzen. Etliche setzen  
ventosen darauff mit schrepffung/  
Vnd dermassen inn einer jeglichen  
heylung sol das für ein fast fürnem-  
liche regel gehalten werden / daß ein  
Arzt wol fürsehe damit ein Kranck-  
heyt oder vnglück nit befestiget wer-  
de odder ein wurzel inn dem hertzen.  
Derhalben sol ein jeglicher Arzt/ als  
bald sich etwan einer vbel empfindt/  
bereyt sein mit seinen artzneien / mit  
Aderlassen/ schweiß/ purgierung/ lat-  
wergen/ hertzlichen Siropen ꝛc. vnd  
sein meynung lenden zu den Apofte-  
men/ vnd regiment essens vnd trin-  
ckens. Vnd also hab ich gesagt nach  
meinem verstand von den dingen die  
natürlich geschehen mögē. Endlich  
vnd allweg sollen wir Got den Al-  
mächtigen



vnd Edelent:

LXVIII

Mechtigen bitten / vns inn allem ein  
gnädigs end zuuerleihen. Amen.  
¶ End.

## Innhalt dises Buchs/ nach Ordnung der Capitel.

Ordnung sich zuhalten nach dem einer am morgen erwacht vnd auffstehet.	Cap. 1.
Von der übung vor dem morgen vnd nachessen.	2.
Von der geschicklichkeit / stund / wie vil vnd oft im tag / auch welche speiß vor oder nach zu essen.	3.
Ordnung der speiß / welche ob tisch im anfang / mittel oder end sol- len genommen werden.	4.
Vom mittäglichen schlaff / ob er schade oder nutz.	5.
Von der stund vnd ordnung des nachessens.	6.
Von ordnung des Trinckens.	7.

¶ iij



## Register.

Welche zeit vnnnd wie lang sich zime zuschlaffen.	8
Von Ehlicher werck nutzbarkeit vnd schaden.	9
Von baden/ seinem gûten vnd bösen gebrauch.	10.
Von getranck / Erstlich des weins complexion/nutzen vñ schad.	11.
Von des Biers eygenschafft/scha- den vnd nutzbarkeyt.	12.
Von des Wassers gebrauch/nutz vnd schaden.	13.
Von des Brots nutzbarkeyt vnd schaden.	14.
Von fleyschs eygenschafft/nutz vnd schaden.	15.
Von vögeln/irer eygenschafft vnd nutzbarkeyt.	16.
Vom Salz/Eyern/Essig 2c.	17. 26.
Von Fischen/irer qualitet/scha- den vnd nutzbarkeyt.	20.
Honig wem er gût oder böß sei.	21.
Gebachens in küchlinß weise.	22.
Obs fruchte/ Seigen/ weinberen/ Rosin 2c.	23. 26.
Von Briecken/Kirschen/Castane en 2c.	27. 26.
Kycheln/	



## Register.

Eycheln/Granat/Epffel/Biren	26.
	30. 26.
Küitten/Pfersing/Kuß/Mandel	26.
	31. 26.
Von Zucker gebrauch vnd nutzen.	39.
Von Spargen/Salat/Kettich	26.
	40. 26.
Von Kreutern / fruchten vnnnd Gemüse.	43.
Kürbs/Peponen/Melonen	26.
	44. 26.
Zwibel/Knoblauch.	47.
Milch/Käß/Butter	26. zugebrau- chen.
	48.
Von Pfifferling zu kochen vnd essen.	49.
Süßholz natur vnnnd nutzbar- keyt.	50.
Ordnung sich zu haltē/durch fremb de land jeder zeit zureisen.	51.
Regiment auff dem Meer Franck- heyt vnd gefehlicheyt zuuermei- den	52.
Regiment zu preserviren vnd hey- len in pestilenzischer zeit.	53. 26.

J v



## Register.


Von Pestilenz Apostemen hey- lund durch lässe vnnnd schre- pffen.	58.
Von schweiß machen/vnd wie sich darinn zuhalten.	59.
Brassfesterckende Latwergen.	60.
Leber pflaster vnnnd überlegung	61.
Von Schlaffbringen vnd Herz- sterckungen ꝛc.	62. 26.
Die Pestilenzischen Apostemen zuheylen	64. 26.

¶ Ende des Registers.


Gedruckt zu Franckfurt am  
Meyn/ Bei Christian  
Egen. Erben.

M. D. LVI.


























MR. G.  
Duo





